

四庫全書

子部

欽定四庫全書

北堂書鈔卷一百五十三

唐 虞世南 撰

明 陳禹謨 補註

歲時部一

愬篇一

律篇二

歷篇三

五行四

歲篇五

閏六

惣一

同律度量衡

尚書云協時月正日同律度量衡孔疏云均同其國之法制度之丈尺量之斛斗衡

之斤兩皆使齊同無輕重大小補又漢書云乃同律度量衡所以齊遠近立民信也附

大儀幹運

天迴地遊

張華詩云大儀幹運天迴地遊四氣鱗次寒暑環週

日月之行有冬有

夏

尚書云日月之行則有冬有夏孔疏云日月之行冬夏各有常度喻人君為政小大各有常法也補

天

地之正四時之行

周書云萬物春生夏長秋收冬藏天地之正四時之行不易之道也

動

靜有常剛柔斷矣

周易陰陽少太是生四時

蔡邕月令章句云天之道

陰陽各有少太是生四時少陽為春太陽為夏少陰為秋太陰為冬也

陰陽為端故情可

睹

禮記云以陰陽為端故情可睹也孔疏云人情與陰陽相通今法陰陽為教故人情無隱所以可睹見也

補

伏羲列八節

尸子云伏羲始畫八卦列八節而化天下

神農立四時

尸子云神

農氏治天下立四時之序

辨四時之序

周官云冬夏致日春秋致月以辨四時之序

序四

時之位

漢書云曆譜者序四時之位正分至之節會日月五星之辰以考寒暑之實故聖王必定歷數

以正三光此聖人知命之術也

五紀

尚書云四五紀一曰歲二曰月三曰日四曰星辰五曰歷數補四

選

春秋繁露云四時者天之四選春者少陽之選秋者少陰之選夏者太陽之選冬者太陰之選故四時成

歲者天之補也

四時成歲

周書云凡四時成歲者春夏秋冬各有五仲季以名十二月也三

月成時

禮記云三月則成時是以禮有三讓建國必立三卿三賓者政教之本禮之大參也註曰禮者

陰也大數取象法於月也

四時者天之吏

淮南子云四時者天之吏也

天地節而

四時成

周易

天地變化

周易

節運代序

陸機思歸賦

四時變化

周易

四時代謝

何元幹詩

四時鱗次

張華詩云四時鱗次寒暑環周補

四時之散

精為萬物

淮南子云陰陽之專精為萬物

年往迅矢時來急

絃

陸機詩云年往迅勁矢時來驚急絃續補

律二

上古建律

太史公曰璇璣玉衡以齊七政即天地二十八宿十母十二子鐘律調自上古建律運歷

造曰度可據而度也合符節通道德即從斯之謂也補

推歷生律

漢書云夫推歷生律制器規圓

矩方權重衡平準繩嘉量探賾索隱鉤深致遠莫不用焉補案張晏曰推歷十二辰以生律呂也附推

十二辰以生律呂

見上

制十二笛是為律本

漢書云律有三統之義其

傳曰黃帝之所作也黃帝使伶倫自大夏之西崑崙之陰取竹之解谷生其竅厚均者斷兩節間而吹之以為黃鐘之宮制十二笛以聽鳳之鳴其雄鳴為六雌鳴亦六比黃鐘之宮而皆可以生之是為律本至治之世天地之氣合以生風天地律通五行太史公曰律歷天所之風氣正十二律定補律通五行以通五行八正之氣

天所以成熟萬物也補

律成萬物

律歷八正

並見上

律呂五聲

漢書

律歷志六律五聲八音七始言以律呂和五聲施之八音合之成樂七者天地四時人之始也補

陽六

為律

漢書云律十有二陽六為律陰六為呂補

陰六為呂

見上

律呂唱和

漢書云律

呂唱和以育生成
化歌奏用焉補

有三統義

漢書見上

同律以齊遠近

漢書云乃

同律度量衡所以齊
遠近立民信也補

用銅以齊風俗

漢書云凡律度量衡用銅者名自名

也所以同天下
齊風俗也補

積八十一寸

漢書云律容一龠積八十一寸則一日之分也補

制十二之筭

漢書見上

三統相通

漢書云三統相通故黃鍾林鍾太簇律長皆全寸而

亡餘分也補

六爻所出

漢書云夫律陰陽九六爻象所從出也補

氣正律定

漢書見上

風和律調

漢書

應鐘陽氣之應

史記云應鍾者陽氣之應不用事也黃鍾者陽氣雖

黃泉而出也大呂者萬物條之言條治萬物而出之泰
簇者言萬物簇生也夾鍾者言陰陽相夾厠也姑洗者
言萬物洗生仲呂者言萬物盡旅而西行也蕤賓者言
陰氣幼少林鍾者言萬物就死氣林林然夷則者言陰

氣之賊萬物也南呂者言陽氣之旅入藏也無射者陰氣或用事陽氣無餘也補黃鐘陽氣而

出大呂萬物條治泰簇萬物簇生夾鐘陰陽夾

厠姑洗萬物洗生仲呂萬物盡旅蕤賓陰氣少

林鐘萬物就死夷則陰氣之賊南呂陽氣之旅

無射陽氣無餘

並見上

歷三

顓頊命重黎

漢書云歷數之起上矣傳述顓頊命正南重司天火正黎司地

帝堯命羲

和

尚書云乃命羲和欽若昊天歷象日月星辰敬授人時

黃帝造歷

後漢律歷志云黃帝造歷

元起辛卯而顓頊用乙卯虞用戊午夏用丙寅殷用甲寅周用丁巳秦用乙卯漢作太初厯元以丁丑補容

成作厯

世本註云容成黃帝臣也

張蒼首律

漢書云漢興平北侯張蒼首律事補案師古

曰首謂始定也附

天地之紀

漢書云厯者天地之大紀

帝王之司

後漢書云若夫用天

因地揆時施教頒諸明堂以為明極者莫大乎月令帝王之大司備矣天下之能事畢失補

聖人之

德

漢書云夫厯有聖人之德六焉以本氣者尚其體以綜數者尚其文以考類者尚其象以作事者尚其時

以占往者尚其源以知來者尚其流補

正歲年

周禮太史正歲年次以叙事頒于官府

數畧

度

宋元嘉起居注云尚書郎樂詢以為治厯之官當覈畧度

羲和明時正度

太史公曰堯立

羲和之官明時正度

揆天行紀萬國

洪範五行傳曰厯者聖人所以揆天行而紀萬國也 正

分至之節

考寒暑之實

漢書云歷譜者序四時之位正分至之節會日月五星之

辰以考寒暑殺生之實

正節氣審寒溫

物理論云疇昔神農始治農功正節氣審寒溫以為

早晚之期故立歷日補

唐都分天部

漢書云治歷者凡二十餘人方士唐都巴郡落下閎與焉

都分天部而閎運算轉歷補名都方術之士也姓落下名閎巴郡人也附

案師古曰姓唐

閎運算

轉歷

見上

治歷明時

易云君子以治歷明時

治歷改元

杜預奏事云自黃帝已來

治歷改元永以為制

五家歷

五行傳云五家之歷多疎閎唯顓頊歷為微近補

六家歷

邕

議云黃帝顓頊夏殷周魯凡六家歷

三統律

漢書劉放作三統律

四分歷

續漢書云黃帝徵能

術者為四分之歷

太和歷

魏畧云推步弦望朔晦為太和歷

景初歷

魏志景初元年黃龍

見有司奏改太
和歷為景初歷

乾象歷

吳志云孫權黃武二年
改四分歷用乾象歷

陽歷

漢書

云先藉半日名曰陽歷不藉名曰陰歷所謂
陽歷者先朔月生陰歷者朔而後月迺生補

陰歷

見顯

項歷微近

洪範五行
傳見前

太初歷最密

漢書云太初歷晦朔
弦望皆最密日月如

合璧五星
如連珠

五行四

汨陳五行

尚書

羞用五事

漢書五行志經曰羞用五事一
曰貌二曰言三曰視四曰聽五

曰思尚書
羞作敬

震東為木

漢書曰震在東
方為春為木

兌西為金

漢書云
兌在西

方為秋
為金

離南為火

漢書云離在南
方為夏為火

坎北為水

又云坎在
北方為冬

為水曰潤下 火曰炎上 木曰曲直 金曰從革

土爰稼穡

並尚書

火水妃

左傳陳水屬也火水妃也而楚所相也今火出而火陳逐楚而

建陳也妃以五成故曰五年

案註陳顓頊之後故為水屬火畏水故為之妃補

水火牡

漢書左傳

云有星寺入于大辰西及漢梓慎曰星寺于漢水祥也

衡顓頊之墟其星為大水水火之壯也其以丙子若壬午作乎水火

金為水宗

漢書五行志左氏傳曰五年陳將復封說曰顓頊以水王陳其

族也今茲歲在星紀後五年在大梁大梁昴也

木為金

病

又云木為金病金畏于火陽氣脅水金木之氣補

金木之氣易變

漢書云春與秋日夜

分寒暑是以金木之氣易以相變

水火之氣不得

漢書云上失威儀則有強臣為害水火之

氣不逆天時水不潤下

又云簡宗廟不禱祠廢祭

棄法

律火不炎上

又云棄法律逐功臣殺太子以妾為妻則火不炎上

有奸謀木不曲

直

又云田獵不宿飲食不享出入不節及有奸謀則木不曲直

輕百姓金不從革

又云

好戰攻輕百姓飾城郭

肅時雨若

又時暘若

哲時

燠若 謀時寒若

聖時風若

狂恒雨若

僭恒暘

若 豫恒燠若

急恒寒若

蒙恒風若

並尚書 漢書五行志

云貌之不恭是謂不肅厥咎狂厥罰恒雨厥極惡時則有服妖時則有龜孽時則有難甌時則有下體生上之病時則有青眚青祥唯金殄水言之不從是謂不乂厥咎僭厥罰恒陽厥極憂時則有詩妖時則有介蟲之孽

時則有犬貺時則有口古之病時則有白青白祥唯水
沴金視之不明是謂不哲厥咎舒厥罰恒燠厥極疾時
則有草妖時則有羸蟲之孽時則有羊貺時則有目病
時則有赤青赤祥唯水沴火聽之不聰是謂不謀厥咎
急厥罰恒寒厥極貧時則有鼓妖時則有魚孽時則有
豕貺時則有耳病時則有黑青黑祥惟火沴水思之
不睿是謂不聖厥咎霧厥罰恒風厥極凶短折時則有
脂夜之妖時則有華孽時則有牛貺時則有心腹之病
時則有黃青黃祥時則有金木水火沴土補

廢正作淫火不明 誅罰絕理

厥灾水

並京房
易傳

歲五

寒暑相推而歲成

易云寒暑相推而歲成焉

四時殊氣故歲成

莊子數

將幾終歲且更始

禮記云日窮于次月窮于紀星回于天數將幾終歲且更始

載成

萬物終始之道

白虎通

夏曰歲殷曰祀

周曰年虞曰載

並爾雅

三歲而改節六歲而一衰

淮南子云太陰治春則欲行仁惠溫良治夏則

欲布施鮮明治秋則欲脩備繕兵治冬則欲猛毅

歲數

舉

春秋元命苞云冬至百八十日春夏成夏至百八十日秋冬成合三百六十日歲數舉註曰舉猶備也

備歲事

易乾鑿度歲三百六十日而天氣周八卦用事各四十五日而備歲事

得歲伐之

必受其凶

左傳云越得歲而吳伐之必受其凶

天行不信莫能成歲

呂氏春秋

興嗣歲

詩云載謀載戴惟取蕭祭脂取

為祈歲

淮南子云以冬至數

至來歲正月朔日五十者民食足不滿五
十日日減一升有餘益一升為祈歲也
獻歲發春

楚辭

征註云獻進也補
開春發歲
楚辭云開春發歲兮
鳩

為歲候

淮南子註云鳩布穀也

葉落知歲

又云見一葉之落知歲之將暮

歲在甲

曰闕逢

爾雅云太歲在甲曰闕逢在乙曰旃蒙在丙曰柔兆在丁曰強圉在戊曰著雍在己曰屠維在

庚曰上章在辛曰重光在壬曰玄默在癸曰昭陽補
在寅曰攝提格
又云太歲在寅曰攝提格

在卯曰單闕在辰曰執徐在巳曰大荒落在午曰敦牂在未曰協洽在申曰涒灘在酉曰作噩在戌曰閼茂在

亥曰大淵獻在子曰困
天子迎歲
淮南子云冬至日天子率三公九卿迎歲

后益占歲

世本云后益作占歲之法

歲豐則甘草先生歲饑則苦草

先生

師曠占云歲欲豐則甘草先生養也歲欲饑則苦草先生葶藶也補

閏六

歲餘為閏

漢書音義云歲之餘為閏補

易窮為閏

漢書云天數二十有五地數二十有

五易窮則變故為閏法

履端於始歸餘於終

左傳閏月不告朔非

天終數九地終數六履端於始舉正于中歸餘于終履禮也先王之正時也履端于始舉正于中則不惑歸餘于終事則端于始序則不愆舉正于中人則不惑歸餘于終事則不悖

補

閏以成歲

春秋元命苞三年閏以起紀補案宋均云紀法也三年加以一閏以成歲也

附

閏者陽之餘

白虎通云月有閏餘何周天三百六十五度四分度之一歲十二月日過十二

度故三年一閏五年再閏明陰不足陽有餘也故識曰閏者陽之餘補

閏以起紀

春秋元命苞見

上黃帝起消息正閏餘

史記

羲和以閏月定四時

尚書云
咨汝羲

暨和椿三百有六旬有六
日以閏月定四時成歲

三年一閏

白虎通
見上

五歲再閏

易云歸奇于扚以象閏五歲再閏故再扚而後
云以法象天道歸殘聚餘分而成閏也五歲再閏者凡
前閏後閏相去大畧三十二月
在五歲之中故五歲再閏補

閏非常月

禮記云閏月
則閏門左扉

立于其中鄭註云
閏月非常月也補

閏月不告


公羊傳云閏月不告朔曷
為不告朔天無是月也

詔王居門

周禮云閏月太
史詔王居門中

闔門左扉

禮記
見上



北堂書鈔卷一百五十三

欽定四庫全書

子部

北堂書鈔卷一百五十六至

詳校官中書

臣金應琦

員外郎

臣

牛稔文覆勘

總校官庶吉士

臣倉聖脉

校對官助教

臣胡子襄

謄錄監生

臣苗序洙

欽定四庫全書

北堂書鈔卷一百五十四

唐 虞世南 撰

明 陳禹謨 補註

歲時部二

春篇七

夏篇八

秋篇九

冬篇十

春七

東方者春

禮記云東方者春春之言蠢也產萬物者也註曰蠢動也

東陸謂春

續漢書云

日行東陸謂之春補

春為青陽

爾雅春為青陽一曰發生補

春者精華

春秋元命苞曰

春者神明推奇精華結紐註云神明為陰陽也相推使物精華結成紐要也補

開春發歲獻

歲發春

並楚辭見前歲篇

洋洋暮春

蔡邕脩楔說

浩浩陽春

張衡歌曰浩浩

陽春發楊柳何依依百鳥自南歸閒翔萃我枝補

芳春

陸機樂府云芳春傷客心

喜春

潘岳門居

賦云凜秋暑退熙春寒往微雨新晴六合清明補

春帝好生

尚書緯云春東方青龍房位其帝青

好生不賊補

春氣故生

春秋繁露春氣喜故生補

敷和氣

傅咸詩云春敷和氣百鳥翔鳴

含寒氣

劉公幹詩云初春含寒氣

春女悲

淮南子云春女悲秋士哀知物化矣補

春可

樂

晉王虞春可樂曰春可樂兮樂孟月之初陽永泮渙以微流土冒橛而解剛野暄卉以揮綠山蔥蒨以發

蒼補孟春日在營室

月令孟春日在營室昏參中旦尾中

仲春在奎

月令仲春日在

奎昏弧中

李春日在胃

月令李春之月日在胃昏七星中旦牽牛中

東風解

凍

禮記云孟春之月其數八其味酸其臭羶其祀戶祭先脾東風解凍蟄蟲始振魚上冰獺祭魚鴻鴈來補

春氣轉節

王升之詩云春風轉節萬物爭揚

春德風

呂氏春秋云春之德風風不信其華

不威華不威則果實不生春條風

易通卦驗云立春條風至註云條風者條達萬物之風補

玄鳥

至

禮記云是月也玄鳥至至之日以太牢祀于高禘註玄鳥鷩也

鴻鴈來

周書云雨水之月獺祭魚

後五日鴻鴈來倉庚鳴

月令云仲春之月桃始華倉庚鳴鴈為鳩補

獺祭魚鷹化

鳩

並禮記見上

鳴鳩趨農

又云鳴鳩拂其羽戴勝降于桑註曰鳴鳩飛其翼相擊趨農急也戴

勝織紵之鳥是時恒在桑言降者若時始自天來重之也補

戴勝織紵

見上

春日遲遲

詩云春日遲遲采繁和初

春日戴陽

詩云春日戴陽有鳴倉庚補

陽炎日以進

崔駰

觀洛賦云迎夏之首饒春之杪陽炎炎以日進陰冉冉而日衰

景婉以收寒

王升之賦云景婉婉

而收寒風飄飄而日新

朗景淑鮮

李願悲四時曰悲春日兮布和氣之氤氲舒朗景之淑鮮

青

天翠采

傅玄雜詩習習谷風興回回景雲飛青天數翠采朝日含丹輝

萬物光輝

古樂府詩

云青青園中葵朝露待日晞陽春布德澤萬物生光輝

使物精華

春秋元命苞見上

天地

和草木萌

禮記曰孟春之月天地和同草木萌動

清明桐始華

周書云清明之

日桐
始華

仲春桃始華

禮記見上

百華隆德

揚雄蜀都賦云百華投春隆德芬芬

紫

華歲蕤

傳玄雜詩云浮萍蔽綠水楊柳何依依云云

春草萋萋

楚辭云王孫遊兮不歸春

草生兮
萋萋

楊柳依依

張衡歌見前

萌草綠池

紅葩曜天

杜預七規

麥芄芄兮方秀

梁鴻詩云

木欣欣而向榮

陶淵明歸去來辭云木欣欣以向榮

泉涓涓而始流善萬物之得時感吾生之行休補

麥芄芄而含秀

葉藹藹而

敷榮

李顯悲四時

如登春臺

老子云衆人熙熙若享太牢如登春臺

春遊外廬

張華歸田賦云冬與處于城邑春嬉遊于外廬

孟春居青陽左个

仲春居青

陽太廟

季春青陽右个

乘鸞輅

已上並禮記

乘蒼馬

尚書

考靈曜云春佩蒼璧乘蒼馬以出遊發令于外春行仁政順天之常以安國也補

衣青衣

禮記

蒼璧

尚書考靈曜見上

百官衣青衣令史服青幘

後漢書云立春之日京都

百官皆衣青衣郡國縣道官下至斗食令史皆服青幘立青旂施土牛耕人于門外以示兆民補

乃命

太史守典奉法

禮記

振木鐸徇道路

漢書云孟春之月羣居者將散行人振木

鐸徇于道路

負青幘而令春

王粲務本論云末世之始負青幘而令春

命國儺以

畢春氣

禮記

施土牛以示兆民

後漢書見上

止獄訟

月令云仲春之日毋

肆掠止獄訟

省囹圄

又云仲春之月命有司省囹圄去桎梏

毋覆巢

毋殺虫

月令云孟春之月毋覆巢毋殺孩蟲胎夭飛鳥

毋漉池

又云仲春之月毋竭川澤毋漉陂池毋焚山林

註曰順陽
養物也補

毋伐桑

又云季春之月命野虞毋伐桑柘註曰愛蠶食也補

同度量鈞

衡石

月令仲春之月日夜分則同度量鈞衡石角斗甬正權概註曰因晝夜等而平當平也同角正皆謂

平之也概平
斗斛者補

角斗甬正權概

見上

聘名士禮賢者

又云季春之月

開府庫出幣帛周天下勉
諸侯聘名士禮賢者補

退貧殘進柔良

京房易占云春當退貧殘

進柔良

安萌芽養幼少

月令云仲春之月安萌芽養幼少存諸孤註云助生氣也補

春

獻鳩

周禮羅氏中春羅春鳥獻鳩以養國老行羽物補

春獻蜃

周禮鱉人職云春獻鱉蜃

仲

春鮮羔

月令云仲春之月天子乃鮮羔開冰先薦寢廟註鮮獻也

季春薦鮪

又云季春之月

天子始乘舟
薦鮪于寢廟

春薦笋

范汪祠制云仲春薦竹笋

春食麥

月令孟春之月天子食麥

與皆脩封疆

月令云孟春之月王命布農事命田舍東郊皆脩封疆審端徑街善相丘陵阪險原

隰土地所宜五穀所殖以教道民必躬親之補案衍周禮作遂夫間有遂遂上有徑遂小溝也附

審端

徑街

見上

善相丘陵

見上

周視原野

又云季春循行國邑周視原野

簡稼器

脩稼政

周禮

親載耒耜

禮記云天子親載耒耜

躬耕帝籍

禮記春命樂正入學習舞

季春習樂

又云孟春天子帥三公九卿躬耕帝籍

孟春習舞

禮記春命樂正入學習舞

季春習樂

禮記云仲春之月仲丁又命樂正入學習樂

籥函詩

周禮籥章掌仲春畫擊土鼓吹函詩以逆暑

鼓琴瑟

淮南子云孟春之月鼓琴瑟

戒伐樹木

東觀漢記云章行幸勅御史司空道橋所

過歷樹木方春月無得有所伐輅車可引避也續補

助陽育物

後漢書云章帝元和二年春正月詔

三公日方春生養萬物孚甲宜助萌陽以育
時物其令有司罪非殊死且勿案驗續補
望杏花 孟

勸農詔云望杏敦耕瞻蒲勸穡又汜勝之書云杏始華
榮輒耕輕土又四民月令云清明節杏花盛又云杏花

生種百
穀續補
看蒲葉 儲光義詩云蒲葉日已長杏花日已
滋農人要此貴不違天時續補
占

雨霧 占書云正月朔雨春早人食一升二日雨人食二
升三日雨人食三升四日雨人食四升五日雨主

大熟五日內霧穀傷民
饑元日霧歲必饑續補
驗歲草 師曠云歲欲甘甘草先
生薺是也歲欲苦苦草

先生薺蘆是也歲欲雨雨草先生薺是也歲欲早早草
先生蒺藜是也歲欲流流草先生蓬是也歲欲惡惡草

先生水藻是也歲欲病病草先
生艾是也皆以孟春占之續補

夏八

南方者夏

禮記云南方者夏夏之為言假也

斗指為夏

孝經緯云穀雨後十五日斗指戌為

立夏

四月維夏六月徂暑

詩云

日永星火以正仲夏

尚書註云永長

也謂夏至之日火蒼龍之中星也補

季夏之月土潤溽暑

月陰陽爭死生

分

月令云仲夏日長至陰陽爭死生分

日在畢

月令云孟夏日在畢昏翼中旦婺女中

日在

柳

又云季夏日在柳昏火中旦奎中

日在東井

又云仲夏日在東井昏亢中旦危中

日行

南陸

續漢書日行南陸謂之夏

其帝炎帝

月令云孟夏其帝炎帝註云赤精也

其神祝

融

月令其音宮

溫風至

周書云小暑日溫風至

景風至

易通卦驗云夏至景

風至蟬始鳴螳螂生補

長風扇暑

風土記云仲夏濯枝盪川長風扇暑註曰此節多大雨名濯枝

景風扇物

魏文帝與吳李重書云方今蕤賓紀時景風扇物天氣和暖衆果具繁時駕而遊北道河

曲從者鳴笳以啟路文學托乘于後車節同時異物是人非我勞如何今遣騎到鄴故使枉道相過行矣自愛

補

青氣生

易通卦驗云夏至時有青氣生此正氣也

赤氣出

易通卦驗云離南方也夏至日

中赤氣出直離此正氣也氣出右

鳥獸希革

尚書傳云夏時鳥獸

毛羽希少變易改革也

麋鹿解角

蔡邕獨斷云夏至陰氣始起麋鹿解角

腐草為螢

月令季夏之月蟋蟀居壁

螳螂生

又云仲夏小暑至螳螂生鵙始鳴反古無

聲螻蛄鳴

又云孟夏之月螻蛄鳴螻蛄出補

蟬始鳴

又云仲夏之月鹿角解蟬始鳴補

鷹學習

見

虹蜺出

見

鴈鳩鳴

淮南子云孟夏鴈鳩鳴

斯螽動股

詩云

莎雞振羽

詩云

樹木方盛

月令云季夏之月樹木方盛命虞人入山行木毋有斬伐補

草木昌繁

徐幹詩云陶陶朱夏德草木昌且繁

木條長

傅玄述夏賦云清微從于琴瑟朱鳥

感于炎荒鹿解角于中

麥飛芒

又云四月惟夏運臻正陽和氣穆而扇物麥含

露而飛

木槿榮

月令云仲夏之月

蔓草秀

詩云四月秀蔓註云不榮

而實曰秀

初莖蔚其曜新

陳柯槭以改舊

潘岳射雉賦云於是

青陽告謝朱明肇授靡木不滋無草不茂初莖蔚其曜新陳柯槭以改舊補

草木莽莽

楚辭云滔

滔孟夏兮草木莽莽傷懷永哀兮淚祖南土補

草木萋萋

杜預七規云仲夏草木萋萋

夏可

種黍

尚書大傳主夏者火火昏中可以種黍穀上告乎天子而下以賦民補

孟夏樹桃

淮南

子朱明

爾雅云夏為朱明亦云長贏

長贏

見上神農書云夏曰成養

日德

管子

云南方曰日其時曰夏其氣曰陽陽至火與氣九暑乃至時雨乃降五穀乃登此謂日德補

滔滔孟

夏

楚辭見前

陶陶朱夏

徐幹詩見前

乘朱輅駕赤駟

月令云孟夏天子乘朱輅

駕赤駟載赤旂衣赤衣服赤玉食菽與難補

乘大路駕黃駟

衣赤衣服赤

玉

並月令

處臺榭

月令云仲夏之月可以居高明可以遠眺望可以升山陵可以處臺榭補

南宮

淮南子云孟夏之月處南宮

居明堂

月令云孟夏之月天子明堂左个補

居正殿

尚書考靈曜云季夏可以居正殿

居正廟

皇覽逸禮云夏則居明堂正廟

居高明

禮見上

靜處朝諸侯

管子云春盡而夏始天子服黃而靜處朝諸侯卿大夫列士循于百姓發號出令補

坐閣作名倡

魏文帝詩云夏時曾避暑坐閣作名倡

毋舉事以搖養氣

月令

云季夏毋舉大事以搖養氣註大事興徭役以有為

毋發令以妨農事

月令云季夏毋發令

而待以妨神農之事也註曰發令而待謂出徭役之令以豫驚民也民驚則心動是害土神之氣土神稱曰神

農者以其主于稼穡補

不動衆

月令云季夏不可起兵動衆

無出兵

尚書考靈曜云季夏

無出 挺重囚

月令云仲夏挺重囚益其食

赦罪人

尚書大傳云季夏可以大赦罪人

斷薄刑

月令云孟夏秋至斷薄刑決小罪出輕繫補

出輕繫

見

百官靜事毋

刑樂師習合禮樂

並月令

脩鞀鞀飾鐘磬

月令云命樂師脩鞀鞀鼓

均琴瑟管簫執干戚戈羽調箏笙篳篥飾鐘磬祝敎

止聲色薄滋味

月令

夏食李梅

周書云夏食
爵李梅杏

食爵及奠

詩云六月食爵及奠
本作鬱棣屬奠奠也補

食

菽與雞

見前

首夏

纂要云四月曰首夏又謝
靈運詩云首夏猶清和補

長夏

岐伯曰春

勝長夏長夏勝冬註曰長夏者六月也土生
于火長在夏中既長而王故云長夏也續補

乏月

四時纂要

云四月也是謂之乏月冬穀既盡夏麥未登宜賑乏絕
救饑窮九族不能自活者救之無固蘊蓄而忍人之貧

貪貨殖之宜忘種福
之利君子弗取續補

臯月

爾雅云五月為臯月註云
五月得戌則曰厲臯續補

龍

皮扇

開元遺事云王元寶都中巨豪也家有皮扇製作
甚精寶每暑月宴客即以此扇置于坐前使新水

洒之則颯然風生酒筵之間客有寒色遂命撤去明皇
亦曾差中使取看愛而不授曰此龍皮扇子也續補

冰絲綢

樂府雜錄云康老子本長安富家子生計蕩盡
遇老嫗持舊錦褥貨鬻乃以半千獲之尋有波

斯人見之乃曰此是水蠶絲所織暑月置于座滿室清涼即酬千萬續補

龍髯拂

杜陽編云元載有紫

龍髯拂色如爛熳刻水晶為柄置于堂中夜則蚊蚋不敢入拂之有聲雞犬無不驚逸續補

澄水帛

杜陽編云同昌公主一日大會韋氏族于廣化里玉饌俱列暑氣將甚公主命取澄水帛以水蘸之掛于南軒良久滿座皆思挾纈澄水帛長八九尺似布而細明薄可鑒中有龍涎故能消暑毒也續補

秋九

西方者秋

禮記云西方者秋秋之為言愁也案註愁讀為摯飲也補

西陸謂秋

續

書云日行西

夏盡秋始

管子云夏盡而秋始而黍熟天

陸謂之秋

之美者也祖者國之重者也補

歲云秋矣

左傳

孟秋日在翼

仲秋日在

角季秋日在房

並月令

斗指酉為秋分

孝經緯云大暑後斗指酉為秋

分

其帝少昊

禮記云孟秋之月其帝少昊其神蓐收

其神蓐收

見

日夜分

月令仲秋之月日夜分雷始收聲蟄蟲

聲暑合

袁淑秋晴賦詳

下雷始收

周書云秋分之日雷始收聲

霆收曜

表淑秋晴賦云聲暑合霆收曜虹戢文炎

都塞埃旻寓滌氣曳悲泉之凝霧轉絕根之嚴雲補

虹戢文

見

星傾輝

湛方生秋夜詩火星

傾其輝皓

白藏

爾雅云秋為白藏註曰氣白而收藏

白商

張協七命云白商素節月既授

衣天凝地閉

三秋

詩云一日不見分如隔三秋

四秋

管子云歲有四時秋而分有四時

故曰農事且作請以什伍農夫賦招鐵此之謂春之秋大夏且至絲纈之所作此之謂夏之秋而大秋成五穀

之所會此之謂秋之秋大冬營室中女事紡績緝縷之所作也此之謂冬之秋故歲有四秋而分有四時補

大秋

見上又云大秋甲兵求繕弓弩求弦補

獨悲凜秋

楚辭云皇天平分四時兮竊獨悲此

凜

忽焉素秋

張華詩

秋分白氣出

易通卦驗云秋分日入酉白氣出此正氣也

立秋黃氣出

又云立秋晴時黃氣出此正氣也

殺氣浸威

月令云仲秋之月殺氣浸

威陽氣

寒氣總至

人云李秋寒氣總至

天高氣清

楚辭云沍寥兮天高而氣清寂

廖兮收潦而水清

雲高氣靜

曹植秋思賦云雲高氣靜露凝衣野草變色莖葉稀

天清氣

和氣和野有甘瓜

天氣高明

賈林感秋賦

立秋涼風至

周書云立

秋之日涼風至

微涼漸感

盧湛感運賦云朱明送夏白藏迎秋微涼漸屆溽暑日收

商風初

授

潘岳詩云商風初授大火西流朱明送夏少昊迎秋

清商應秋

又云清商應秋至海暑隨節闌

高風送秋

張協七命云若乃龍火西鑠暄氣初收飛霜迎節高風送秋

風蕭氣涼

魏文

帝燕歌云秋風蕭瑟天氣涼

風遼氣爽

王洵秋懷云天悠雲際風遼氣爽

秋風吐商

氣

張載詩云秋風吐商氣蕭瑟掃前林朱光馳北陸浮景忽西沉

秋氣轉微涼

曹植詩

嫋

嫋秋風

楚辭云嫋嫋兮秋風洞庭波兮木葉下

蕭蕭山風

湛方生詩云仲秋有清氣始涼

猶未淒蕭蕭山礪風泠泠積石溪

清商激牖

孫綽詩云迢迢雲端月灼燦霞間星清霜激西牖澄

景旬南橋

商風入帷

曹植感節賦又潘岳秋興賦勁風戾而吹帷附

涼風薄體

陸機行思

賦云涼風淒其薄體

清氣入肌

湛方生秋夜賦云氣入秋以淒凜風灑林而蕭索云云

青女

降霜

淮南子云秋三月青女乃出降霜雪
註云青女乃天神青霄玉女主霜雪補

案

白露霏

以靜降

湛方生
秋夜賦

微霜慘而夕結

賈林感秋賦云冷露滴而朝凝微霜慘而夕結

草木黃落

月令云季秋之月草木黃落乃伐薪為炭

榮華零落

傅玄詩云蕭蕭秋氣

升淒淒萬物衰榮華

百草萎

司馬彪詩云秋節良可悲百草萎落堂前柳隨風

疎林樹

萬物衰

傅玄詩見上

桂枝落

漢武帝李夫人賦云秋氣憊以淒悵兮桂枝落

而銷胡桃落

馬融西茅頌云仲秋陰中節胡桃已零落

菊挺葩蘭飛馨

李顯悲四

季詩云秋日悲兮火流天而淅暑風入林
而疎條菊挺葩于綠莖蘭飛馨于翠翹

秋菊黃華

周書

云立秋後菊有黃華

秋蘭紫莖

楚辭云秋蘭兮青
青綠葉兮紫莖

鳥獸毛珣

尚書鷹

隼始驚

漢書孫寶為京兆尹以立秋日暑侯丈為東部督郵入見勅曰今鷹隼始驚當從天氣取姦惡

以成嚴霜之誅

鳴鶴戒露

風土記云鳴鶴戒露白鶴也此鳥性飲至八月白露降即

高鳴相徵

鳴蜩厲音

潘岳詩

鴻雁來

月令云季秋之月鴻雁來賓

燕辭歸

楚辭

燕翻翻其辭歸鳥噤噤而南遊

蟄虫坯戶

月令見前

羣鳥養羞

周書云季秋後羣鳥養羞

寒蟬鳴

月令孟秋之月涼風至白露降寒蟬鳴鷹乃祭鳥

趣織鳴

春秋元命苞孟秋趣織鳴

註云趣織蟋蟀也趣與促同

熠燿燦於階閭蟋蟀鳴於軒屏

潘岳秋興賦熠

燿燦于階閭蟋蟀鳴于軒屏聽離鴻之晨吟望流火之餘景補

寒露雀入大水

周書云寒露五

日雀入大水化為蛤

季秋蟄虫墮戶

月令云季秋之月蟄虫咸附在內皆墮其戶

蟋蟀

宵征

楚辭云獨申旦而不寐兮哀蟋蟀之宵征

熠燿宵流

張華邁志詩云商飈振落熠燿宵流

豺祭獸

周書云霜降之日豺乃祭獸

鷹祭鳥

禮見前

三公迎秋

月令云立秋之

日天子親率三公九卿迎秋于西郊

百官迎氣

續漢書云立秋之日京都皆衣白袍卓領綠內衣迎

氣西郊

季秋饗帝

禮記季秋之月大饗帝嘗犧牲告備于天子補

孟秋祀神

月令云孟

秋之月命主祠祭禽于四方註曰以所獲禽祀四方之神也補

天子嘗新先薦寢廟

月令

云孟秋之月農乃登穀天子嘗新先薦寢廟

秋獻龜魚

周禮鱮人春獻鼈蜃秋獻龜魚註曰龜鼈

之屬補

秋行犧牲

月令云仲秋命宰祝循行犧牲補

築場圃

詩云九月築場圃註曰場

圃同地自物生之時耕治之以種菜茹至物盡成熟築堅以為場補

多積聚

月令云仲秋之月趣民收

飲務膏菜

舉五穀之要

禮記云季秋命冢宰舉五穀之要

藏帝籍之收

月令云季秋之月藏帝籍之收于神倉祇敬必飭補

九月授衣

詩註云九月霜始降婦功成可以授

冬衣矣補

司服飭裳

月令云仲秋之月命司服具飭衣裳文繡有恒

獻功裘

周禮司裘職云

季秋獻功裘也以待頒賜

獻良裘

又云仲秋獻良裘王乃行羽物

衣白衣

月令季秋之月天子

居總章左个乘戎路駕白駱載白旂衣白衣服白玉食麻與犬補

御袷衣

潘岳秋興賦云屏輕篋釋

織絺藉莞

築城郭建都邑

月令云仲秋之月可以築城郭建都邑

脩宮室

坏垣牆

月令孟秋之月命百官始收飲完隄坊謹壅塞以備水潦脩宮室坏垣牆補城郭補

處西

宮

淮南子云孟秋之月西宮御女白色衣白采撞白鐘

啓西戶

皇覽逸禮云秋居明堂右啟西戶

擊土鼓

周禮籥章仲秋擊土鼓以樂田畯

撞白鐘

淮南子見上

易關市來商

旅

月令仲秋之月易關市來商旅納貨賄以便民事補

授几杖行糜粥

禮記仲秋之月養衰

老授几杖行粥飲食補

習五戎

月令季秋之月天子乃教于田獵以習五戎註曰五戎五兵弓矢爰

矛戈戟也補

秋治兵

尚書考靈曜云秋絕太白是謂大武用時治兵得功

百官收斂

禮記

見選士厲兵

月令孟秋之月天子乃命將帥選士厲兵簡練傑俊專任有功以征不義詰誅暴慢

以明好惡順彼達方補

簡練傑俊

月令

商風初授

潘岳詩

專任有功

以征不義詰誅暴慢以明好惡

並月令見前

脩法制

又云孟秋

之月命有司脩法制繕囹圄具桎梏禁止姦慎罪邪務搏執

審斷決

月令孟秋之月審斷決獄訟必

端平
補 嚴百刑
又云仲秋之月天子乃命有司申嚴百刑斬殺必當補
申號令
又云季秋

之月申嚴號令命百官貴賤無不務內以會天地之藏補
命將帥
見上
繕圖圖
見前
素

秋
纂要云素秋素商高商天曰是天風曰商風素風淒風高風涼風激風悲風景曰朗景澄景清景時曰淒

辰霜辰節曰素節高節草曰衰草木曰疎木衰林霜柯霜條續補
蘭秋
纂要云七月孟秋首秋上秋肇

秋蘭秋
桂月
又云八月仲秋亦曰仲商亦曰桂月續補
九秋
陰陽五行歷云一時為三月一

月為一秋三月為三秋又一月為三秋故三月有九秋之名也續補
五政
管子云秋三月以庚辛之日發

五政一政曰禁賭賽二政曰無見五兵之必三政曰慎旅農趨聚收四政曰補缺塞圻脩垣牆謹門閭五政曰

敬時五穀之皆入續補

冬十

日在北陸

左傳申豐曰古者日在北陸而藏冰西陸朝覲而出之其藏之也黑牡秬黍以享司寒其

出之也桃弧棘矢以除其災註云十一月日在虛危春分之中奎星朝見東方補

月窮于紀

令

季冬之月日窮于次月窮于紀星回于天註言日月星辰運行于此月皆周匝于故處也次舍也紀會也補

其神玄冥

月令孟冬之月其神玄冥註云水官之臣自古以來著德立功者也玄冥少皞氏之子曰

脩曰熙顓頊主冬

帝王世紀云帝顓頊以水承金位在北方主冬

玄陰戒寒

王

七釋云農功既登玄陰戒寒

玄風扇厲

應吉甫華林詩云陰陽運潛玄風扇厲鷹隼騰揚狐狸搏

噬素冰彌澤

白雪依山

包攝詩曰冬日悒悒玄雲蔽天素冰彌澤白雪依山冰

益壯

地始坼

月令仲冬之月冰益壯地始坼鵲旦不鳴虎始交補

一之日威發

詩云一之日威發二之日栗烈傳云一之日十之餘也一之日周正月也威發風寒也補

二之日鑿

冰

詩云二之日鑿冰沖沖傳曰冰盛水腹則命取水于山林補

水泉動

禮記云仲冬水泉動註記

時候也水泉動潤上行

蚯蚓結鹿角解

月令仲冬之月芸始生荔挺出蚯蚓結鹿角解補

鷹騰揚狸搏噬

應吉甫華林詩見前

納禾稼

詩云十月納禾稼

處城邑

張衡

詩云冬月處城邑

擊黃鐘

易通卦驗云冬至之日從八能之士擊黃鐘

擊磬石

淮南子云

孟冬之月北宮御女黑色衣黑采擊磬石

伏陽

漢書律歷志云太陰者北方北伏也陽伏于下于時為冬

續積陰

董仲舒云陰常居大冬而積于空虛不用之地續補呼吸

尚書大傳云冬中也物方藏于

中也陽盛則吁舒萬物而養之外陰盛則呼吸萬物而藏之內故曰呼吸者陰陽之交接萬物之始終續補

閉塞

月令云天地不通閉塞而成冬續補

冬德

呂氏春秋云冬之德寒寒生不信其地不成績補

水德

禮記云立冬盛德在水續補

良月

左傳云良月十月也就盈數也續補

辜月

爾雅云十

一月為辜續補

上冬

纂要云十月孟冬亦曰上冬續補

杪冬

纂要云十二月季冬亦曰暮冬杪冬

除月幕節幕歲窮捨窮紀續補

禁火

桓譚新論云太原郡民以隆冬禁火食五日雖有疾病緩急猶不敢

犯為介子推故也續補

煖香

異景志云寶雲漢有僧舍盛冬若客至不然薪火煖香一炷滿室如春人

歸更收餘爐續補

同巷

漢書云冬民既入婦人同巷相從夜績所以省費燎火同巧拙而合習俗也續

補

營窟

禮記云上古之人冬則居營窟夏則居橧巢續補

煖爐

歲時雜記云京師十月朔沃酒

炙饔肉于爐中圓坐
飲啗謂之煖爐續補
折冰

丈子云冬冰可折
夏條可結續補

求董

晉書
云劉

長盛母王氏盛冬恩董長盛時九歲乃往慟哭澤中忽
若有人云止聲長盛收淚視地有董因得解餘歸續補

披絮

晉書云吳隱之為牧守冬月無被嘗
弊衣乃披絮勤苦同于貧庶續補

教織

崔實政
論云實

為五原太守土地不知緝績冬積草伏卧其中若見吏以草纏身而出實至官乃賣諸時得三十餘萬詣鴈門廣武迎織師使巧手作**致薪**魏畧云顏裴字文林為京機及紡以教民織績補**兆尹**課民當輸租時車牛

魏畧云顏裴字文林為京兆尹課民當輸租時車牛

各致薪兩束為冬
寒水灸筆硯續補

無被

三輔決錄云孫辰字允公家貧不仕居社城中織箕為業明詩

書為郡功曹冬月無被有藁一束暮卧其中旦收之續補

單衣

世說云晉孝武年十二時冬天晝日不著

複衣但著單練衫五六重夜則累褥褥謝公諫曰聖體
宜今有常陛下晝過冷夜過熱恐非攝養之術帝曰晝

動夜靜謝公出笑曰**妓圍**天寶遺事云申王每至冬月上理不減先帝續補**有風雪苦寒之際使宮妓**

圍于坐側以禦寒氣天寶遺事云楊國忠于冬月自呼為妓圍續補**肉陣**常選婢妾肥大者行列于前

令遮風蓋藉人之氣相**常春木**杜陽編云李輔國嚴凝暖故謂之肉陣續補**之時置鳳首木于高堂**

大厦中其木高一尺而雕刻如鸞鳳之形**暖金合**裴

傳奇云進士張無頗遇袁天罡女袁大娘受藥以暖金合盛之曰寒時但出此合則一室暄熱不假爐炭矣金

合乃廣厲王宮中之寶續補

北堂書鈔卷一百五十四

欽定四庫全書

北堂書鈔卷一百五十五

唐 虞世南 撰

明 陳禹謨 補註

歲時部三

元日十一

祖十二

蜡臘十三

伏十四

腰十五

小歲十六

三月三十日十七

五月五日十八

七月七日十九

九月九日二十

春分二十一

秋分二十二

夏至二十三

元日十一

正月上日

尚書云正月上日受終于
文祖傳曰上日朔日也補

孟春元日

張衡東
京賦云

孟春元日羣后旁庑百僚師師于
斯胥伯蕃國奉聘要荒來質補

初歲元祚

曹植元會
詩云初歲

元祚吉日惟良乃為
佳會宴此高堂補

元正啓節

傳充妻辛氏元正詩云
元正啓令節嘉慶肇自

茲咸奏萬年觴
三朝啓建
劉臻妻正旦獻椒花頌云璇
穹周迴三朝啓建青陽散輝

澄景載煥標美靈葩爰採爰
考夏后之遺訓
傅玄朝會賦云考夏

后之遺訓綜殷周之典制採秦
採秦漢之舊儀
見歲首

大朝
續漢書云正朝受賀二千石已上稱萬歲
元正大饗
何元朔許都賦云元正大饗盛庭燎

列儀
百僚畢會
東觀漢記云戴憑為侍中正旦朝賀百僚畢會帝令羣臣經義不通者奪其席

憑遂重五
萬國鳴鑾
庚闡楊都賦云歲惟元晨陰陽代紀履端歸餘三朝告始萬國鳴鑾

有客
百官執圭
傅玄詩云元旦朝天子百官執珪璋
三公奉璧
漢雜事云正月朝賀

三公
盛庭燎列儀仗
許都賦見前
吞雞子噉辛菜
風土記云元日吞雞

子噉五辛菜註曰吞生雞子一枚謂之鍊形五辛菜以助發五藏之氣也小大同悅傅充妻元

正詩歡笑盡娛曹植元會詩云歡笑盡娛樂哉未央皇家榮貴壽考無疆正旦獻鳩

見上列子云邯鄲之民以元旦獻鳩于簡子簡子大悅厚賞之客問其故簡子曰正旦放生示有恩也客曰民知君

欲放之故競捕之死者衆矣君若生之不若禁民勿捕捕而放之恩不相補矣補正旦獻爵孔叢

子云邯鄲民以正月旦獻爵于趙王而綴以五采王大悅殺羊磔雞以厭厲氣裴玄新語

云正旦縣官殺羊縣其頭于門又磔雞以副之俗說以厭厲氣玄以問河南伏君伏君曰是土氣上升草木萌

動羊鬪百草雞啄五穀故殺之以助生氣夢見新歲主命延長夢書放鳩三齊畧云

榮陽有厄井漢沛公避項羽追逃于井中有雙鳩集其上人云沛公逃入井羽曰井有人鳩不集其人遂不追

沛公遂免難後漢元日
放鳩蓋為此也續補
除殺萬歲歷云成帝詔除正旦

續白獸樽臧榮緒晉書云元會設白獸樽于殿上樽蓋上施白獸若有能獻直言者則發此樽飲酒

按禮曰白獸樽乃杜舉之遺式為白
獸蓋後代所為示不忘憚也續補
百華燈禮志云元會文昌殿

用漢儀設百
華燈續補
服桃湯歲時記云元日服桃湯與衍曰桃者五行之精廉服邪氣制百鬼續

補
膠牙餚又云元日食膠牙餚
折七松董勛答問歲首折松枝男七女

二以為藥
飲之續補
決八風漢天文志云魏占侯正月旦決八風風從南來大旱西南小旱西方有兵

西北豆成北方中歲東北為上歲東方大水東南疾疫
歲惡八風常與其對課多勝少久勝亟疾勝徐續補

首祚王羲之月儀書云日往月來元正首祚太簇告辰微陽始布罄無不宜和神養素續補
雲開

風土記云岳州自元正獻歲鄰里以飲宴相慶至十二日罷謂其日為雲開節續補

祖十二

脩好遠遊祀以為祖

風俗通云脩好遠遊舟車所至足跡所達靡不窮覽故祀以為祖神

祖者祖也

祈請神道謂之有祖

嵇含祖賦

乃祝靈祖以祈福祥

蔡邕

祝祖文云冬令子朔時惟嘉良乃祝靈祖以祚福祥

良辰祝祖祥始吉元

王廙春可樂云

良辰祝祖祥始吉元

孟月之酉

嵇含祖賦序云有漢日華壇峻宇羽蓋幢幡

之日惟上酉

潘尼皇太子祀祖詩曰孟月涉初旬吉日惟上酉

襄公祖道

左傳云楚

子成章華之臺願與諸侯落之蓬啓疆來召公公將往夢襄公祖梓慎曰君不果行襄公之適楚也夢周公祖

而行今襄公實祖君其不行子服惠伯曰行先君未嘗適楚故周公祖以道之襄公適楚矣而祖以道君不行何之三月顯父餞之詩云韓侯出祖出宿于屠祖君自公如楚補顯父餞之清酒百壺補

東百靈齊行

傳玄祝祖文云祖君自東百靈齊行翠蓋翮翮象輿彫箱王子進駕駢服調良

吳

赦越歸羣臣祖道

吳越春秋吳王赦越王歸國送于蛇門之外羣臣祖道吳王曰寡人赦君

使其返國必念終始王其勉之續補

蜡臘十三

季冬之月享臘送故

續漢書云季冬之月星迴歲終陰陽已交勞農夫享臘以送故焉補

事時告成八蜡報勤

裴秀大蜡詩云歲時告成八蜡報勤告成伊何年豐物阜豐禋孝祀

介茲萬祐報勤伊何農功是祭後神蔡邕獨斷云臘者歸撈撈我后務茲蒸黍補歲終大祭縱吏民

宴飲非旦迎氣祈天宗禮記云天子乃祈來年于天宗故但送不迎臘先祖五祀勞農以休息之

報先嗇禮記云蜡之祭也主先嗇而祭司嗇也祭百種以報嗇也註云先嗇若神農者司嗇后稷是也

始於亥終於未魏臺訪議云詔問何以用未祖丑臘臣崇對曰按月令孟冬十月臘先祖五祀

謂薦田獵所得禽獸謂之臘左傳云虞不臘矣唯見此者而皆不書日閔先師說曰王者各以其行之盛祖以

其終臘水始生于申盛于子終于辰故水行之君以子祖辰臘火始生于寅盛于午終于戌故火行之君以午

祖戌臘木始生于亥盛于卯終于未故木行之君以卯祖未臘金始生于巳盛于酉終于丑故金行之君以酉

祖丑臘土始生于未盛于戌終于辰故金行之君以戌祖辰臘今魏據土德宜以戌祖辰臘補百日之

蜡一日之澤

禮記云子貢觀蜡孔子曰賜也樂乎對曰一國之人皆若狂賜未知其樂也子曰百

日之蜡一日之澤非爾所知也

醇以告蜡竭恭明祀

風土記云醇以告蜡竭恭敬于明祀

乃有藏

夏曰嘉平

風俗通云禮傳曰夏曰嘉平殷曰清祀周曰大蜡漢改曰臘臘者獵也因

獵取獸祭于先祖也漢火行衰于戌故此日臘也補

殷曰清祀

周曰大蜡

漢

改曰臘

並見上

合聚萬物

禮記云天子大蜡八伊耆氏始為蜡蜡者索也歲十二月合聚

百物而索饗之也

以息老物

周禮籥章職云國祭蜡則飲豢助擊土鼓以息老物案註萬物助

天成歲事至此為其老而勞乃祀而老息之于是國亦養老焉補

大儺逐疫

續漢書云臘月大儺

逐畫虎衛凶

風俗通云桃梗葦茭畫虎謹案黃帝書上古之時有神荼與鬱壘兄弟二人性能執

鬼度朔山上桃樹下簡閱百鬼無道理妄為人禍害茶
與鬱壘縛以葦索執以食虎于是縣官常以臘除夕飾
桃人垂葦茱萸畫虎於門者追效于前事冀以衛
也桃梗梗者更也歲終更始受介祉也補黃羊祀

竈搜神記云晉宣帝時陰子方者當臘日晨炊而竈君
神形見子方再拜受慶家有黃羊因以祀之自是以

後暴至巨富故後以雞謝風俗通云太史丞卿平說臘
常以臘日祀竈補以雞謝者所以迎刑送德也大寒至

恐陰勝故以戌日臘戌者溫氣也用其氣日殺雞以謝
刑德雄著門雖著戶以和陰陽調寒配水節風雨也補

歲終更始祀以雞又云青史子書說雞者東方之牲也
歲終更始辨扶東作萬物觸戶而出

故以雞祀每臘詔賜博士羊東觀漢記云甄宇拜博士
祭也續補每臘詔賜博士羊人頭

羊有大小肥瘦時博士祭酒欲殺羊稱分其肉宇
曰不可又欲投鈎宇復恥之宇因先取其最瘦者正臘

宴會

鄭玄別傳云玄年十二隨母還家正臘燕會同列十數人皆美服盛飾語言閑通玄獨漠然如不及

母私督數之乃曰此

蜡日燕飲

世說云王朗中年以識度推華歆歆蜡日當集

非我志不在所願
子姪燕飲王朗亦學之有人向張茂先稱此事茂
先曰王之學華皆足形骸之外所以更玄遠補

要命

內外

盛翁子藏鈎賦叙云今以臘之後因以遣榮勢

舍

螟蜡賦云大蜡之夕雖天下同有攜金蘭以齊聲利貴得意以遣榮勢孰我尚哉補

臘日悉詔諸

子

列女傳云母師者魯九子之寡母也臘日休作者歲祀禮畢悉召諸子謂曰婦人之義非有大故不出夫

家然吾父母家多幼推歲時祀不理吾從汝謁往盥之諸子皆頓首許諾又召諸婦曰婦人有三從之義而無專制之行少繫父母長繫于夫老繫于子今諸子許我歸視私家雖踰正禮願與少子俱以備婦人出入之制

諸婦其慎房戶之守吾夕而反于是使少子僕而歸辦家事天陰還太早至閭外而止夕而入魯大夫從臺上見而怪之召母問之曰一日從北方來至閭而止良久夕乃入吾不知其故甚怪之是以問也母對曰妾不幸早失夫獨與九子居臘月祀畢間從諸子謁歸視私家與諸婦孺子期夕而反妾恐其醺醺醉飽人情所有也妾反太早故止閭外期盡而入大夫

蜡日嘗集子姪

世說

見子貢觀蜡

禮記見前

仲尼與賓

禮記昔者仲尼與于蜡賓事畢出遊于觀之上喟然

而嘆魯母謂歸私家

列女傳見上

嚴母便止都亭

漢書嚴延年為河南太守

母從東海來欲從延年臘到雒陽適見報囚母大驚便止都亭不肯入府延年出至都亭謁母母閉閤不見延年免冠頓首閣下良久母乃見之因數責延年幸得備郡守專治千里不聞仁愛教化有以全安愚民願乘刑

罰多刑殺人欲以立威豈為民父母意哉延年服罪重
頓首謝因自為母御歸府舍母畢正臘謂延年天道神
明人不可獨殺我不意當老見壯子被刑戮也行矣去
女東歸婦除墓地耳遂去歸郡見昆弟宗人復為言之
後歲餘果敗東海莫不賢知其母延年兄弟五人皆有
吏材至大官東海號曰萬石嚴廼補案師古曰報囚
奏報行

鄭玄正臘漠然不及

鄭玄別傳見上

江信蜡節廓焉獨

處

江信答賀蜡詩序云冬臘家君在陳郡余別在國舍
不得集會弟廣平作詩以貽余余因答之曰蜡節之

會廓焉獨處晨風朝興思我
慈父我心懷戀運首延佇

陳脩正臘僵仆不起

會稽典錄

云陳脩家貧為吏常步擔上下恒食乾糲每至
正臘僵仆不起同僚飲食請不肯往其志操如此延年頓

首服罪

漢書見上

每臘有囚皆遣

華陽國志云王長文元康
初試守江源令縣收得盜

馬賊及發塚賊長丈引前誘慰時遇臘晦皆遣歸家獄
先有繫囚亦遣之謂曰教化不厚使汝等如此長文過
也蟠節慶祚歸就汝上下善相歡樂過節來還當為汝
思他理羣吏惶遽爭請不許尋有赦令無不感恩所
宥人誓不為惡曰
不敢負王君也補

伏十四

金氣伏藏庚日必伏

歷忌釋云伏者何也金氣伏藏之日也四時代謝皆以相生立春木

代水水生木立夏火代木木生火立冬水代金金生水至于立秋以金代火金畏于火故至庚日必伏庚者

金也

三伏始奏

嵇含因熱賦序云三伏之節始奏商秋之辰

初伏啓新

潘岳詩云

初伏啓新節

炎暑熏赫

世說云都嘉賓嘗三伏之月詣謝公時炎暑熏赫諸人雖復當

風交扇猶沾汗流離謝著故
網衣食熱白粥晏然無異

隆暑赫羲

潘岳詩見上

懷肉而

去

漢書云東方朔為郎伏日詔賜諸郎肉朔獨不待詔
拔劍割肉謂其同官曰伏日當早歸即懷肉而去上

問朔曰賜肉不待詔而去何也上令自責朔曰受賜不
待詔何無禮也拔劍割肉一何壯也割之不多又何廉

也歸遺細君又何仁也上笑曰令生自責煮羊魚羔楊
而反自譽復賜酒一庖肉百斤遺細君補

報孫會宗書云田家作苦歲飲酒避暑典畧曰光祿劉
時伏臘烹羊魚羔斗酒自勞

夜酣酒以盛夏三伏之際晝夜與松飲酒至于
無知云以避一時之暑故河朔有避暑之飲

閉門避

暑

程曉詩云平生三伏時道路無
行車閉門避暑卧出入不相過

腰十五

斬牲以薦陵廟

續漢書云立秋之日郊禮畢始揚威武斬牲于郊東門以薦陵廟斬牲之禮名

曰龜

出獵還祭祖廟

續漢書云武帝令天下臘五日蔡邕曰龜獸常以立秋日還食母獵

虫博擊王者亦以此日出獵還以祭宗廟補案食音飼字林云龜虎屬附

食新

風俗通云楚俗常以十二

月祭飲食也又曰嘗新始殺也食新曰龜臘

買水

韓子云山居谷汲者臘臘而買水續補

小歲十六

卒歲會曰初歲

史記天官書云凡候歲美惡謹候歲始歲始或冬至日產氣始萌臘明日人衆

卒歲一會飲食發陽氣故曰初歲

臘明日謂小歲

崔寔四民月令臘明日更新謂之小歲進

酒尊長脩

賀君師

三月三日十七

姑洗應月

張華上巳篇云姑洗應時月元時啟良辰

勾芒御春

潘尼擬皇太子詩

云玉衡連極招搖指辰太昊司方勾芒御春

三春令日

張協脩楔賦云惟三春之令日嘉天氣之

氤氲流水清冷以汪濊原隰蔥翠以龍鱗補

青春暮月

潘尼上巳帝會天淵詩云青春暮月六氣

和理律應姑洗日惟元已

上禊三已

王廙春可樂云禊號三已臨川盪飲迴波兮曲流夾岸兮桃柳

三月上巳

風土記云漢末郭虞者有三女一以三月上巳辰一以上巳一以上巳二日三女乳時並亡

迄今時俗以為大忌故到是月是日婦人忌諱不復止家皆適東流水上就通遠地祈祓自潔濯也

暮春

嘉禊之辰

王廙洛都賦云若乃暮春嘉禊三已之辰賤同游方躡齊輪麗服靚粧祓除洛濱流芳

塞路眄目 桃花水下之時韓詩云三月桃花水下之時

映雲補 二水之上執蘭招魂續魄祓除不祥脩林蓊鬱草莽扶疎阮瞻上已會賦云臨清川而嘉

宴脩林蓊鬱草莽扶疎祓除不祥韓詩祓去宿垢上已士民于東

流水上自濯濯穢黃河陸機權歌行云遲遲暮春日天

祓去宿垢 黃河竹林七賢論云王濟嘗解禊洛水明日或

漢裴逸民叙前言柳泉解禊丘淵之齊里記云城北十

往行滾滾可聽補柳泉解禊五里有柳泉符朗嘗以為

解禊東流自濯續漢書祓霸上漢書云衛子夫為平陽

無子平陽主求良家女十餘人飾置家帝祓霸上還過

平陽主主見所侍美人帝不悅既飲謳者進帝獨悅子

夫補案侍儲在洛水蔡邕祝文云洋洋暮春厥日集

長洲

張協洛襖賦云權戚之家豪侈之族集乎長洲之浦濯乎洛川之曲遂乃停輿蕙渚息駕蘭田朱幔

虹舒翠幕蛇連布椒醕薦柔嘉祈休吉蠲百病漱清源以滌穢攬綠藻之纖柯浮素卵以蔽水灑玄醪于中河水禽為之躍踴陽王公至南橋夏仲御別傳云仲御詣侯為之動波補洛到三月三日洛中王

公已下莫不方軌連軫並至南浮橋婦女適東流風土邊襖男則朱服耀路女則錦綺鏤爛記見

上停輿蕙渚息駕蘭田並張洛襖濯素手褰輕衣尼賦見上

三月三日水上會詩云朱浮蘭澤暮翠臨清流坐沙場

成公綏洛襖賦云臨清流布椒醕薦柔嘉張協洛襖賦見上

素卵灑玄醪

張協洛襖賦見上

執蘭招魄

韓詩見上

撫琴鼓缶

杜預七規

云薦以雕盤盛以彝器騰波傳觴托水班類撫瑤琴擊玉缶

浮杯絳水酌酒釀川

杜篤

上已

水禽駭踴陽侯動波

張協洛襖賦見前

除沴

周禮云女巫巫掌歲時祓除

釁沴鄭註云如今三月上已水上之類也續補

乘舟

月令暮春天子始乘舟蔡邕章句云陽氣和暖鮪魚

時至將取以薦寢廟故因是乘舟楔于名川也論語暮春浴乎沂自上及下古有此禮今三月上已被于水濱

蓋出此也續補

陽瀕

張衡西都賦云暮春之禊元巳之辰方規齊軫祓于陽瀕續補

薄落

後漢書云

袁紹三月上巳大會賓徒于薄落津聞魏郡兵黑山賊于毒等數萬人共覆鄴城殺郡守坐中客家在鄴者皆憂怖失色或起而啼泣紹

水心劍

續齊諧記晉武帝問容貌自若不改常度續補尚書郎摯虞曰三日

曲水其義何指虞答曰漢章帝時平原徐肇以三月初
生三女至三日而俱亡一村以為怪乃相攜之水濱盥
洗因水以泛觴曲水義起于此也帝曰若如所談便非
嘉事尚書郎東皙曰摯虞小生不足以知之臣請說其
始昔周公城洛邑因流水以泛酒故逸詩云羽觴隨波
又秦昭王三日置酒河曲見有金人出捧水心劍曰今
君制有西夏及秦霸諸侯乃因此處立為曲水祠二漢
相緣皆為盛集帝曰善賜金五十斤左遷摯虞為陽城
令續泗濱石後周書云高琳字李珉琳母嘗被襖泗濱
見一石光彩朗潤遂持以歸是夜夢一人
謂之曰此浮磬之精若能寶持必生東堂晉起居注太
令子俄而有妊及生子因名琳續補和六年三月
庚午朔詔云三日臨流南澗孫綽詩序云以暮春之始
解楔于南澗之濱高嶺千
杯池依東堂小會續補
尋長湖萬
頃續補

五月五日十八

俗重五日與夏至同

風土記云仲夏端午謂五月五日也俗重是日與夏至同先節一日

以菰葉裹粘米粟棗以灰汁煮令熟節日又煮肥黿令極熟去骨加鹽豉蓴蓼名曰菰黿節日啖之粘米一名

角黍蓋取陰陽包裹之象也黿甲表肉裹陽外陰內之形所以贊時也補仲夏端午菰黿角

黍

風土記見上

五日共浴戲

習鑿齒與褚常侍書云想往日與足下及江州五月五日共浴

戲迫尋舊約髣髴玉儀心實悲矣補

五月不發火

琴操云介子推割股以救重耳重耳復國子推

獨無所得子推甚怨恨乃作龍蛇之歌遂遁入山丈公驚悟即遣使者奉節迎之終不肯出丈公令燔山求之

子推遂抱木而燒死丈公流涕令民五月五日不得發火朱索五色印為門戶

續漢書云

仲夏之月陰氣萌作惡物不茂以五月以相問遺石虎

鄴中

五日朱索五色印為門戶飾以止惡氣記云俗以介子推五月五日燒死世人為其忌故不舉

餉食非也北方五月五日自作飲食餉神及作五色縷五色新盤相問遺天節提要錄云五月五日地臘道書

不為介子推也補天節午時為天中節續補地臘云五

月五日為地臘五帝校定生人官爵血肉戚衰外滋萬

類內延年壽記錄長生此日可謝罪求請移易官爵祭

祀先祖蓄蘭大戴禮云五月五日採艾歲時記云五月

續補蓄蘭為沐浴續補採艾五日荆楚人採

艾以為人懸門戶泉羹樂書註云漢令郡國賜泉五月

上以禳毒氣續補泉羹五日為泉羹賜百官以惡鳥故

食之蒲酒歲時記云端午以菖蒲

續補或縷或屑泛酒續補

七月七日十九

姮娥隨月織女逐星

梁庾肩吾七夕詩云玉匣卷懸衣針樓開夜扉姮娥隨月落織女逐

星移

朱明送夏少昊迎秋

潘尼七月七日侍皇太子晏

補流朱明送夏少昊迎秋

施几筵設酒脯

風土記云俗重七月初七是夜

嘉木茂園芳草被疇灑掃于庭露施几筵設酒脯時果散香粉于筵上以祈河鼓織女言此二星辰當會守夜者咸懷私願或云見天漢中有奕奕白氣有光耀五色有此為徵應見者便拜而願乞富乞壽無子乞子惟得乞一不得兼求三年乃得言之頗有受其祚者補散香粉祈河鼓

見上案爾雅河鼓謂之牽牛附涼風至

蘇彥七夕織女詩云火流涼風至少昊潔素藏織女思北征牽牛嘆南陽

辰火流

潘尼七月七日侍皇

太子宴蠡動登高

蘇含登高詩七月有

魚驚遊巖

武陵

記云武陵有一山嶺有池可數畝魚鱉無不備有其七月七日皆出遊嶺巔類族各別

素雲巡濛

汜炎帝收離光

李充七月七日詩云北極躔衆星旋璣運天綱素雲巡濛汜炎帝收離光

牽牛織女會有期

曹植九詠云臨回風兮浮漢渚日牽牛兮跳織女交有際兮會有期嗟痛

吾今來不時

牽牛織女會天河

傳玄擬楚詞云七月七日牽牛織女會天河

漢武

燃九光燈

漢武內傳云西王母遣青衣女語帝曰七月七日王母暫來帝于其日脩除宮掖燔百和

之香張雲錦之帷燃九光之燈列玉門之棗酌葡萄之酒以候雲駕忽見西南如白雲起鬱鬱然直來趨宮有頃王母乘紫雲之輦駕九色班龍扶二侍女上殿頭上太華髻戴太真晨纓之冠履玄瑤鳳文之舄視之可年三十許自設天厨珍妙非常補

王子喬白鶴至

列仙傳云王子喬見桓良曰告我家七月七日

待我于緱氏山巔其家候之至時果乘白鶴
駐山望之不得到舉手謝時人數日而去
青鳥西方

來漢武故事云七月七日上于承華齋忽有一青鳥從
西方來集殿前上問東方朔朔曰此王母欲來也有

頃王母至有二青鳥如鳥侍王母傍
赤龍東南上列仙傳云陶安公者六
安鑄冶師也數行火火

一旦散上行紫色衝天安公伏治下求哀須臾朱雀止
治上曰安公安公治與天通七月七日迎汝以赤龍至

期赤龍到大雨安公騎之東南上一城
邑數萬人衆共送視之皆與辭決云補
七日暴書崔實

月令云七月七日暴經書設酒脯
案暴當作暴日乾也俗作曝非附
七日曬衣竹林七賢

好酒而貧舊俗七月七日法當曬衣諸阮庭中爛然莫
非絳錦咸時總角乃暨長竿標大布犢鼻于庭中曰未

能免俗聊披綵縷
宋孝武七夕詩云迎風披
貫玄針見
復爾耳
綵縷向月貫玄針續補

曝衣

楊園苑疏云太液池西有武帝曝衣閣常曬書世至七月七日宮女出后衣登樓曝衣續補

云郝隆七月七日見隣人皆曝曬衣物隆

穿針樓

輿地志云

乃仰臥曝腹于庭曰我曝腹中書續補

齊武帝起層城觀七月七日宮人多

乞巧樓

天寶遺事云宮女以

登之穿針以乞巧謂之穿針樓續補

錦結成樓殿高百尺上可以勝數千人陳以瓜果酒炙

設坐具以祀牛女二星嬪妃各以九孔針五色線向月

穿之過者為得巧之候動清商之曲

宴樂達旦士民之家皆效之續補

九月九日二十

無射紹候

風土記云無射紹候註曰俗以九月九日折茱萸以挿頭言辟惡氣而禦初寒

順陽

應節

鍾會新菊賦云於惟季秋九月九日順陽應節爰鍾福靈

勁風肅林鳴鴈驚時

范泰九月九日詩曰勁風肅林阿鳴鴈驚時候籬菊照寒蕤竹林不改茂悽悽陽舛腓皎皎

寒潭潔

謝靈運九月九日戲馬臺詩云李秋邊朔苦旅鴈違霜雪悽悽陽舛腓皎皎寒潭潔

朝廷

飲宴

孫瑞奏事云興平二年秋朝廷以九月九日賜公卿近臣飲宴

叅僚畢集

孟嘉別傳云嘉

為桓溫叅軍既知其政溫甚重之九月九日溫遊龍山叅僚畢集風吹嘉帽落不覺如廁孫盛時在坐溫投紙筆命嘲之著嘉坐間嘉歸見之舊俗登高豫章記云龍笑而詣紙即答了不吝思補

舊俗登高

豫章記云龍沙郡北帶江

沙甚潔白高峻而陂有隴形舊俗為九月九日登高處

俗嘉其名

魏文帝與鍾繇書云歲往月來

忽復九月九日為陽數而日月並應俗嘉其名以為宜於長久故享宴高會

茱萸插頭

風土記見

上菊叢坐側

續晉陽秋云陶淵明嘗九月九日無酒出宅邊菊叢中摘菊盈把坐其側久望見白

衣人至乃王弘送酒也

登高

齊人月令云重陽之日必

即便就酌醉而後歸

之遊賞以暢秋志酒必採茱萸

籍野

歲時記云九月九日四民並籍野飲

甘菊以泛之既醉而還續補

識續

菊花酒

西京雜記云戚夫人侍兒賈佩蘭後出為扶風人段儒妻說在宮內時九月九日佩

茱萸食蓬餌飲菊花酒令人長壽菊花舒時并採莖葉

雜黍米釀之至來年九月九日始熟就飲焉故謂之菊

花酒

茱萸囊

續齊諧記云汝南桓景隨費長房遊學累年長房謂曰九月九日汝家中當有災宜

急去令家人各用絳囊盛茱萸以繫臂登高飲菊花酒

此禍可除景如言舉家登山夕還見雞犬牛羊一時暴

死長房問之曰此可代也今世人九日登高飲酒婦人

帶茱萸囊蓋始于此續補案仙書云茱萸為辟邪翁

菊花為延壽客故假此

望楚山

襄陽記云望楚山舊名

二物以消陽九之厄附

馬鞍山宋武陵王駿為

刺史改為望楚山後遂為龍飛人號為鳳嶺高
處有三陞即劉弘山簡九日宴賞之所續補
商飆館

南齊記云武帝永明五年九月己丑詔曰九日出商飆
館登高宴羣臣辛卯車駕幸商飆館上所立在孫陵

崗世呼為九日
五色糕 盧公範云九月重陽日上五色

臺者也續補
糕續補 案嘉話錄云袁德師

給事中高之子九日出糕謂人曰某不敢喫
請諸公破除且言是其先諱俛首久之附
麻葛糕 六

云膳部節日食料九
月九日麻葛糕續補

春分二十一

日夜分 禮記云仲春之月日夜分則同
雷雨行 易遁卦

度量鈞衡石角斗甬正權概
驗云春

分明庶風至雷
玄鳥至 周書云春分

雨行桃始華
鳥星見 尚書云日

之曰玄鳥至
中星鳥以

殷仲春註云日中謂春分之日也鳥南方朱鳥陽雲出

易通卦驗云春分則青氣出易通卦驗云春分節青氣出退貪殘進

溫良

京房易妖占云春分退貪殘進溫良賤不足求隱逸

秋分二十二

斗指酉為秋分

孝經緯云白露後十五日斗指酉為秋分

兌西方主秋分

易通

卦驗七星見

尚書云宵中星虛以殷仲秋註云虛玄武之中星亦以七星皆以秋分日見以正三秋

物類強

孝經援神契云秋分物類強

鷺鳥摯玄鳥歸

易通卦驗云秋分閭闔風至鷺

鳥摯玄鳥歸

雷始收水始涸

禮記云仲秋之月日夜分雷乃收聲水始涸

同度量

平權衡

禮記云中秋之月日夜分則同度量平權衡正鈞石角斗角

夏至二十三

斗指午為夏至

孝經緯云芒種後十五日斗指午為夏至

離南方夏至

易通卦驗

云離南方也夏至日中赤氣出直離此正氣也氣出右萬物牛死氣出左赤地千里補

夏至陰動

於下

五經通義云夏至陰動于下陽動于上故太熱

風雨之會

周禮云日至之景尺有五寸謂

之地中天地之所合也四時之所交也風雨之所會也陰陽之所和也然則百物阜安乃建王國焉註曰土圭

之長尺有五寸以夏至之日立八尺之表其景適與土等謂之地中

陰陽之會

春秋繁露云夏至陰

陽之會

日永星火

尚書云日永星火以正仲夏

日在內衡

孝經緯云日在天有七衡

夏至日陰氣為水夏至溫

淮南子云陽氣為火陰氣為水火勝故夏至溫離氣

不至日無光

易通卦驗云離氣不至日無光五穀不榮人民病目日長至

禮記云仲夏之

月日長至孔疏曰謂此月之時日長之至極太史漏刻夏至晝漏六十五刻夜漏三十五刻是日長至也補

木槿榮

易通卦驗云夏至蟬始鳴木槿榮

夏至物茂

春秋繁露云夏至之後萬物茂盛

夏至麥熟

管子云夏至之日麥始熟鹿角解蜩始鳴補

石湖恒冰夏至乃解

神異經云北方荒中有石湖方千里岸深五丈餘恒冰唯夏至左右五六日乃解

夏至日後焦

金爛石

春秋繁露云南方物動於上故夏至日後熱焦金爛石

至日閉關后不省

方

易云雷在地中復先王以至日閉關商旅不行后不省方

不設政事以助微氣

五經

通義云陰始動而未達故寢兵鼓
不設政事所以助微氣之養也補

爵有德封有功

京房易妖

占云夏至景風用事人
君當爵有德封有功

身欲寧志欲靜

蔡邕獨斷云夏至陰風始起鹿

角解故寢兵鼓身欲
寧志欲靜不聽事

朱索連葦

續漢書云仲夏之月萬物方盛日夏至陰氣萌

作恐物不楸其禮以朱索連葦菜彌牟朴蠱
鍾以桃印書文以施門戶代以所尚為飾補
風俗通云夏至著五采辟兵題曰遊光
厲鬼知其名者無溫疾五采辟五兵也

五采辟兵

北堂書鈔卷一百五十五

欽定四庫全書

北堂書鈔卷一百五十六

唐 虞世南 撰

明 陳禹謨 補註

歲時部四

冬至篇二十四

寒篇二十五

熱篇二十六

豐稔篇二十七

凶荒篇二十八

冬至二十四

冬至陰之復也

易象云雷在地中復先王以至日閉關商旅不行后不省方註曰方事也冬至

陰之復也夏至陽之復也故為復則至于寂然大靜先王則天地而行者也動復則靜行復則止事復則無事

也斗指子為冬至

孝經疏云斗指子為冬至有三義一者陰極之至二者陽氣始至三者日

行南至故謂之至補

一陰下藏一陽上舒

史記云冬至則一陰下藏一陽上舒

陰氣

去陽氣生

易通卦驗云冬至晷長一丈三尺陰氣去陽氣生也

陽氣動

孝經援神契云冬至

陽氣動也

太陰奮於上青陽萌於下

易通卦驗

日短星昴

書云日短星昴

以正仲冬

日在外衡

孝經緯云日在外衡牽牛之初冬至之日

黃鍾以應

楊雄太玄經云

調律者截竹為管蘆葦為灰列之九門之內漠然無動寂然無聲微風不起纖塵不形冬至夜半黃鍾以應

晷景鍾律

續漢書云天子常以冬夏至日御前殿合八能之士陳八音聽樂均度晷景候鍾律權土

炭微陰陽也

菖蒲生

呂氏春秋云冬至後五旬十日菖蒲生菖者百卉之先生者也註曰菖蒲水草

也**射干生**

易通卦驗云冬至射干生麋角解

鵲始巢

淮南子曰冬至鵲始巢

致鬼

神

周禮云以冬至日致天神人鬼

獻履襪

魏曹植獻履襪表云伏見舊儀國家冬至獻履貢襪所以

迎福踐長補

案崔駰襪銘有建子之月助養元氣之事陽升于下日永于天長履景福至十億年後魏崔浩

女儀云近古婦人常以冬至日進履襪于舅姑踐長至之義也酉陽雜俎云北朝婦人常以冬至日進襪及鞞

附**擊磬石**

淮南子云冬至衣黑采擊磬石補

脩邊境完要塞

又曰冬至之日命司

徒行積聚脩城郭警門閭脩棧閉
慎管鑰固封璽脩邊境完要塞

繕宮殿封倉庫

京房易妖

占云冬至繕
宮殿封倉庫

君子安身百官絕事

續漢書云冬至前後君子安身靜體百官

絕事不聽政擇
吉辰而後省事

添線

歲時記云晉魏問宮中以紅線量日影冬至後日添長一線續補

從樂

易通卦驗云冬至之始人主與羣臣左右從樂五日天下之衆亦家從樂五日為迎日至之禮註云

從就也

書雲

左傳云僖公五年辛亥朔日南至公既視朔遂登觀臺以望而書禮也凡分至啓閉

必書雲物為

迎日

史記云黃帝得寶鼎宛胸問于鬼史區對曰黃帝得寶鼎神策是歲已酉

朔旦冬至得天之紀終而復始于是黃帝

豆粥

歲時記云共工

迎日推策後卒二十歲復朔旦冬至續補

黍糕

崔實四民月令云厲畏赤豆故作粥禳之續補

冬至之日薦黍糕

先薦玄冥以及祖禰其進酒肴
及謁賀君師耆老如正日續補
駮狼
淮南子云冬至在駮狼之山續補

養犬

四民月令云冬至五日買白犬養之以供祖續補

數日驗歲

淮南子云以冬至日數至

來歲正月朔日五十日者民食不足不滿五十日者減一升有餘則日日益一升四時纂要云此占最有據也

續補

天竺冬至

西域諸國志云天竺十一月十六日為臘則麥熟續補

補

寒二十五

天道有寒

五經通義云寒暑和合以成歲也故易日運行一寒一暑乾道成男坤道成女
地

冽為寒

黃帝素問

火見清風戒寒

國語云火見而清風戒日寒清風至而脩城郭
日

在牽牛則寒

五經通義云日在牽牛則寒在東井則暑牽牛宿外遠入故寒東井宿內近入故溫

熱生寒

太玄經云陽不極則陰不萌陰不極則陽亦不牙極寒生熱極熱生寒信道致融融道致信補

冬德寒

呂氏春秋云冬之德寒寒生不信其地不成剛地不成剛則凍閉不開天地之大四時之化而

猶不能以不剛成物又况人乎

泰谷地寒

劉向別錄云燕有泰谷地美而寒

不周地寒

括地圖云不周之國地寒

龍涸常寒

沙州記云六月二十六日發龍涸晝夜肅肅常寒不復得脫襦

袴將從七十二人面盡黎黑口唇青臃補

朔方之寒

尸子云朔方之寒冰厚六尺

雲南特

寒

漢書云雲南郡有點蒼山特寒四月五月中猶積雪皓然

凝冰結澗

陸機樂府苦寒行云凝冰

結重澗積雪被長機

沉寒凝海

陸機連珠云列火流金不能變景沉寒凝海不能結風

寒不

可勝

傳玄詩云李冬時慘烈猛寒不可勝

寒不可忍

英雄記曰袁尚熙被公孫康伏兵縛之坐

于凍地尚曰未死之時寒不可忍謂康求席熙曰頭顱方行萬里何席之為補

氣出為凌

博物志云

北方地寒冰厚三尺氣出口為凌

血流成冰

豫章者舊志云龍碩字顯先太皇幸尋陽遊獵諸郡

詔不得干犯碩乃作章陳理髡頭割耳要候大駕于道以叩頭流血時大寒後流血成冰

寒破肌骨

張英與延篤書云大陰之地寒破肌骨此非老僊所堪

寒入肌膚

風角云大寒入人肌膚內

折骨

應璩詩云嵐山寒折骨面目盡生瘡

風截耳

傳玄詩云李冬時慘烈猛寒不可勝嚴風截人

耳素雪隨地凝補

士卒凍饑

漢書云宋義遣其子襄相齊身送之無鹽飲酒高會因天寒大雨士

卒凍饑

士卒墮指

又云上聞韓王信降匈奴上將擊之連戰乘勝逐北至樓煩會天寒士卒墮指

者十 **將士戰瘡**

又云神爵元年趙充國伐羌勅書讓充國曰今冬虜皆當畜食多藏匿山中依

險阻將軍士寒手足戰瘡寧有利哉

將從青

沙州記見上

大寒水道冰

魏志云文帝黃初六年文帝入淮是歲大寒水道冰舟不得入乃引還補

大凌

破河橋

晉朝雜事云永寧二年十二月大寒凌破河橋

扶木顛顛

傅玄大寒賦云扶木顛顛

于湯火若單寒落于濛泥

園菓摧折

曹植慰情賦云黃初八年正月雨北風飄寒園菓墮水枝幹摧

折虹蟄火龍藏金

袁淑七言詠寒云魚戢鱗兮鳥衿翰虹蟄火兮龍藏金

魚衿鱗

鳥失條

張衡思立賦云魚衿鱗而并陵兮鳥登木而失條

曾子耕天寒不得歸

琴操云曾子嘗耕于太山之下遭天雨雪寒凍旬日不得歸乃作憂思之歌

嚴遵學夜寒不

得寢

鍾離意別傳云嚴遵昔與光武俱為諸生暮夜宿息二人勤學不得寢更相謂曰後日豪貴憶此勿

相忘別後數年光武有天下微遵不至

葛仙公與客談時天大寒

葛仙公別傳云

公與客談語時天大寒仙公謂客曰居貧不能人人得爐火請作一大火共致煖者仙公因吐氣火赫然從口

出須臾滿屋

戎夷如魯時天大寒

呂氏春秋云戎夷違齊如魯時天大寒而

後與門弟子一人宿于郭外寒愈甚謂其弟子曰子與我衣我活也我與子衣子活也我與國士也為天下惜死

子不肖人也不足愛也子與我子之衣弟子曰夫不肖人也又惡能與國士之衣哉戎夷太息嘆曰嗟夫道其

不濟夫解衣與弟子夜半而死弟子遂活

魏文入淮是歲大寒

魏志見上

桓玄入

宮是月酷寒

晉中書云桓玄入建康宮逆風迅激旌旗不立法章儀飾一皆傾偃是月酷寒補

靈公鑿池民寒罷役

呂氏春秋云衛靈公天寒鑿池苑春諫曰天寒恐傷民公曰何寒哉

春曰君衣狐裘坐熊席四隅有火是以不寒民衣弊不補履決不直君則不寒民則寒矣公曰善命罷役補

景公起臺役餒罷之

晏子曰景公起大臺歲寒役之凍餒者鄉有焉公延晏子坐飲酒樂

晏子歌曰庶人之凍我若之何奉上靡弊我若之何歌終喟然流涕也

師人多寒巡軍勉

之

左傳云楚子圍蕭申公巫臣曰師人多寒王巡三軍撫而勉之三軍之士皆如扶纊

當戶而寒

絕糧賑之

尸子曰天雨雪楚莊王被裘當戶曰我猶寒彼百姓賓客甚矣乃遣使巡國內百姓賓客

無居絕糧者賑之國人大悅

當戶有寒出裘衣之

賈子云楚王當戶而立慨然有寒色

曰寡人尚然奈百姓何乃出府裘以衣寒者

范叔寒取袍以賜之

史記云范雎相秦雎

微行弊衣閒步見須賈賈驚曰范叔
一寒如此哉乃取一綈袍以賜之
老人寒解裘以衣

之戰國策云田單為齊相遇淄水有老人涉
淄而出寒不能行坐沙中單乃解裘衣之
重衾無暖

張華詩云重衾無暖氣挾纊如懷水
被薄知寒
傳玄雜詩云浮雲含秋氣
悲風坐自難年過憂命短

被薄知寒
史記云東郭先生因
饑寒並至
蔡邕

天寒
饑寒衣敝
饑寒衣敝履不完
饑寒並至
云居

處浮漂如樹之無根
饑寒俱解
東觀記云王即起兵上
自薊東南馳至燕薊亭

時天寒烈衆皆饑疲馮異上豆粥明
且謂諸將曰昨日得豆粥饑寒俱解
寒風淒其永至
張

思玄賦云寒風淒其永
北風興兮增涼
張華永
箕颯振

地作
任豫雪詩云箕颯振
凍厲寒氣升
曹毗詠
鯨魚碎

寒

有異經云東南海中有溫湖其中

有鱖魚長八尺食之宜暑碎寒風

礪鼠却寒又云北

萬里厚百丈有礪鼠在冰之土中焉形如鼠食草木肉重千斤可以作脯其毛八尺可以為褥卧之却寒補

胡貉能寒

漢書鼯鼠上疏曰夫胡貉之地積陰之處也木皮三寸冰厚六尺食肉而飲酪其人容理

鳥獸毳毛

方士忍寒

桓子新論曰元帝時漢中送方士王仲都詔問何所能對曰能忍寒

乃于盛寒日載以駟馬車于昆明池上環水而走御者厚衣狐裘甚寒而仲都獨無變色

熱二十六

夫寒盛生於熱

黃帝素問黃帝問岐伯人傷于寒而離轉為熱何也曰夫寒盛則生于熱也

氣見歲大熱

易通卦驗云離氣見立秋分則歲大熱

十日代出

楚辭云魂兮歸來東

方不可以託十日
九日重光曹植大暑賦曰暎暑桑流

金鑠石

楚辭見上

焦金爛石

春秋繁露云夏至陰陽之會北方物動于下南方物動于上故

至日後為熱

煎砂

賈誼早雲賦云隆盛暑而無聊兮煎砂石而爛渭湯風至而含熱兮羣生

焦金爛石

悶滿而愁潰畎畝枯槁而壤石

見上

海沸磔爛

曹植大暑賦云溫風

赫戲草木垂幹山海沸砂融

傳玄雜詩云大暑時鬱蒸海沸砂石融

熙天

灼地

傳咸羽扇賦云熾九日之隆赫然高燎于扶桑熱熙天而灼地沸巨海而成湯

沸海焦陵

傳咸感涼賦云踐朱明之中月暑鬱隆以

獸喘處鳥

戢翼

劉公幹暑賦云獸喘處於玄景鳥戢翼於高危

赫風灼守

潘岳狹室賦云當祝融之御節

熾朱明之隆景暑日晡

炎氣燎房

傳玄執扇賦曰隆暑
翕以鬱蒸炎氣燎于

幽房草木垂幹

曹植大暑賦見上

社席營灼

士癸大暑賦云

體慙如鏐汗

揮如雨

潘岳狹室賦云涕體慙其如鏐珠汗揮其如雨

汗珠隕玉體

傅咸感涼賦云獸竄

伏于幽林兮鳥垂翼而弗升汗珠隕于玉體兮粉附身而沾凝

珠汗洽玉體

傅玄詩云珠汗洽玉

體呼吸氣鬱蒸塵垢自成泥素粉隨手凝補

穿岬

馬援傳云援征武陵五溪蠻夷進營壺頭賊乘高守

隘水疾船不得上會暑甚士卒多疫死援亦中病遂因乃穿岸為室以避炎氣續補

入水

抱朴子云葛洪

從祖仙公每大醉及夏天盛熱輒入深水底入日乃出者正以能閉氣胎息故耳續補

冷蛇

酉陽雜俎

云申王有肉疾腹垂至胛玄宗召南方取冷蛇數條賜之蛇長數尺色白不螫人執之冷如握冰申王腹有數

約夏月置于約中暑犀神異經云文宗延學士于內庭

不復覺煩暑續補暑犀討論經義李訓講周易微義頗

叶于上意時方盛夏遂命取水玉腰帶及辟暑犀如意

以賜訓訓謝之上曰如意足以與卿為談柄也續補

露臺關中記云桂館一名甘泉作冰室抱朴子云指冰

之熱迎風觀寒露臺以避暑續補

豐稔二十七

君乘木王嘉穀並生禮斗威儀曰君乘木而王君賢臣

職五穀豐滋京氏別對寒溫節則年熟晏子云景公伐

陰水厥陽水厚五寸者寒溫節節則刑政平平則上下
和和則年穀熟年充衆和而伐之臣恐罷民弊兵不成
君之意請禮魯以息吾怨遣其執
以明吾德公曰善迺不伐魯補
祭祝得宜五穀豐

命徵云天子祭祝天地宗廟六
宗五岳得其宜則五穀豐登
天雨穀歲大熟

京房易妖占云

天雨旣歲大熟

同上

歲欲豐甘草先生

子野占云帝問子野曰吾欲知歲苦

樂善惡可知否子野曰歲豐甘草先生甘草薺菜也

歲在辛酉乞漿得酒

袁子正書云

正月黃氣其歲大熟

物理論云正月朔四方黃氣其歲大豐此黃帝用事土氣均和四方

並熟補冬至見雲其鄉歲美

易通卦驗云冬至之日見雲從其鄉來歲美不災疫也

銅雀再鳴五穀熟

魏文帝歌詩云長安城西雙圓闕上有一雙銅雀一鳴五穀生再鳴五穀

熱容難至則年穰

南越志云高興縣多容難其形如難而五米至則年穰

龍掘見

境大豐

南海記云程溪浦口有蒲母養龍斷其尾因名曰龍掘村人見之則境大豐也

井冰厚

尺大有年

續漢書云靈帝光和六年井中冰厚尺餘大有年

米砂偏饒其方豐

穰

王子記云新喻縣有水沸漏白砂如米兩岸各數十斛呼為米砂以之候歲若一岸偏饒者則其方之鄉

豐饒也

黃雲覆車五穀大熟

東方朔別傳云

高下皆熟

鹽鐵論云周公時天

下太平丘陵高下皆熟

一縣遍熟

益部耆舊傳曰趙瑤字元珪為閬內令遭旱率掾吏齋戒請雨

靈應一縣通熟

開江溉田歲當豐熟

風俗通云秦昭王使陳永為蜀郡太守開成都兩江

溉田萬頃無復水旱之災歲當豐熟

長我禾黍

漢書云大始二年趙中大夫白公復奏穿渠引涇水

首起谷口尾入櫟陽註謂中表二百里因名曰白渠民得其饒歌之曰田于河所池陽谷口鄭谷在前白渠起後舉甬為雲決渠為雨涇水一石其泥數斗且溉且決長我禾黍衣食京師億萬之口言此兩渠饒也補決

漳水灌鄴旁終古斥鹵生稻粱

呂氏春秋云魏襄王使史起為鄴令引漳水灌

田民得興利為歌曰鄴有令為史公決漳水灌鄴旁終古斥鹵令生稻粱

亦有高廩萬億及

秭

詩傳曰廩所以藏糞臧之穗也數萬至萬曰億數億至億曰秭箋云亦大也萬億及秭以言穀數多補

我倉既盈我庾維億

詩傳云露積庾萬萬曰億箋云陰陽和風雨時則萬物成萬物成則

倉庾充

彼有遺秉此有滯穗

詩云彼有不穫穉此有不穫穉彼有遺秉此有滯穗

伊寡婦之利傳云秉把也箋云成王之時百穀既多種同齊熟收刈促遽力皆不足而有不穫不斂遺秉滯穗

故聽矜寡取穀石五錢漢書云宣帝即位歲穀石數錢

之以為利補桓子新論云世俗咸曰漢文帝儉約脩道德躬先天下天下化之故致充實殷富穀石數十錢米流出

門梅陶書云古人就食于門粟敗不食漢書云武帝之初安里今三州米流出門

饒太倉之粟腐敗不可食

凶荒二十八

天有四殃水旱饑荒周書云天既喪亂饑饉荐臻詩註曰

臻至也穀不熟為饑蔬不熟為饉爾雅云穀不熟曰饑蔬不熟曰饉

為荒仍饑仍饑見上荐饑左傳曰晉荐饑使乞糴于秦秦為荐補伯謂百里奚與諸乎對曰天災

流行國家代有救災恤鄰道也行道有福平鄭之子豹在秦請伐晉秦伯曰其君是惡其民何罪秦于是乎輸粟于晉自雍及絳相繼命之曰汎舟之役補

五穀不升為大饑

穀梁傳云五穀不升為大

饑一穀不升謂之嘆二穀不升謂之饑三穀不升謂之饑四穀不升謂之歉五穀不升謂之大侵補

一穀不升謂之嘆二穀不升謂之饑三穀不升謂之饑四穀不升謂之歉五穀不升謂之大侵補

四穀不升謂之歉五穀不升謂大侵

並見上

九穀不

登

政書云比年九穀不登菜蔬不熟不可不深慮

三麥不收

曹植云太和三年大旱三麥不收百

姓饑

蜂食民苗

鴻範五行云秦昭王三十八年上郡大饑山木盡死蜂食民苗民無所食

虫

鼠為害

王洽臨吳郡上表云前民辭求相鬻賣一則救民也二則供官也方今之要當課功受業又虫

鼠為害瓜
麥已盡也

困鹿空

國語云越大夫種謀曰今吳既罷而荒大荐饑市無赤米而困鹿空虛其

民必移就蒲贏于東海之濱補
案註云國者為菌方者為麓附

瓜麥盡

王洽臨吳郡
上表見前

民

多饑饉

東觀漢記云王莽末年方枯
旱民多饑饉掘蕒茨而食

民饑告糴

國語云
魯饑臧

文仲以玉磬
如齊告糴

金斤易粟

東觀云王莽末年天下旱連年穀
不成建武元年耕作者少民饑

饑黃金一斤
易粟一斗

米斛萬錢

漢書高祖二年關
中大饑米斛萬錢

米石二千

又

王莽時徠陽米石二千遭大
夫謁者教民煮木實為醢補

穀斛五十萬豆麥二萬

英

記云李傕等相攻戰長安中盜賊不禁白日擄掠是時穀一斛五十萬豆麥二萬人相食補

士卒菜

菽雜牛

漢書云宋義遣其子襄相齊身送之無鹽飲酒
高會天寒大雨士卒凍饑項羽曰將戮力而攻

秦久留不行今歲饑民貧卒食半菽軍無見糧酒飲酒
高會不恤士卒而徇私宴非社稷之臣也註曰士卒食

蔬菜以菽吳志云駱統母改適為華歆
雜半之補**大夫糟糠不足**小妻統時八歲遂與親客歸

會稽事嫡母甚謹時饑荒鄉里及遠方客多有困乏統
為之飲食哀少其姊仁愛有行寡居無子見統甚哀之

數問其故統曰士大夫糟糠不足我何心獨飽姊曰誠
如是何不告我而自苦若此乃自以私粟與統又以告

母母亦賢之遂使**士食藻菜**東觀記云赤眉還入長安
分施由是顯名補

士饑餓皆**民食桑榆**魏大尉司馬懿奏云秋雨潦傷五
穀又無蔬菜比萬民已有食桑榆

皮**藜藿給食**典畧云從興平元年至建安元年其間四
歲咸陽蕭條後賊李傕等始將郿曲入長

安居董卓故塢中取棗藜藿**桑椹為糧**英雄記云五穀
以給食發塚取衣蓋形補
不登民人以桑

權為使民輸芋汝南先賢傳云袁安為陰平長時年木

糧實為酪

漢書王莽見上

桑榆為飯

謝承後漢書云袁術在壽春百姓以桑榆為飯

噉弩

煮履

東觀漢記隗囂時民饑餓乃噉弩煮履

掘野鼠以食之

晉中興書云中原亂徐兪

石勒左右交侵百姓饑饉野無生草時或掘野鼠捕蟄齋而食之

發苑果以活民

韓子云秦

大饑應侯請發五苑果聚粟以活民

開倉廩以賑民

魏志云黃初三年民饑使尚書杜畿持節

開倉廩賑民膳不祭肺馬不食穀

禮記云歲凶年穀不登君膳不祭肺馬不食穀馳道

不凶札則無關門之征


周禮司關職掌國貨之節以聯門市司貨賄之出入者掌其治

禁與其征屢凡貨不出于關者舉其貨罰其人凡所達貨賄者則以節傳出之國凶札則無關門之征猶幾補

無陳充庭戲作樂

續漢書云永初四年詔此年饑加有軍旅且勿設戲作樂正旦無陳充庭

也車



北堂書鈔卷一百五十六

欽定四庫全書

子部

北堂書鈔卷一百

五十七至
六十

詳校官中書臣金應珩

員外郎臣牛勣文覆勘

總校官庶吉士臣倉聖脉

校對官助教臣胡予襄

謄錄監生臣苗序洙

欽定四庫全書

北堂書鈔卷一百五十七

唐 虞世南 撰

明 陳禹謨 補註

地理部

地篇二

丘篇二

陵篇三

崗篇四

峴篇五

堆篇六

阜篇七

隴篇八

阪篇九

培塿十

坑十一

窟十二

谷十三

續補

洞十四

續補

地一

積陰為地

黃帝素問積陰為地故地者濁陰也

積形成地

呂氏春秋云山丘河海金石水

火此積形而成乎地者

重濁為地

說文云元氣初分重濁為地萬物所陳列也

淹滯為

地

淮南子云重濁者淹滯而為地

地者天之根

物理論云地者底也底之言著也陰體下著也

其神曰祇祇成也育生萬物備成也形有高下氣有剛柔物有巨細味有甘苦顯之以五嶽積之以丘陵播之以四瀆流之以百川蓋氣自然之體也發氣黃泉周伏迴轉以生萬物也天之根本也雲雨于是乎出日月星辰于是乎陳霜雪于是乎降形西北高而東南下東西長而南北短其盡四海者也炎氣鬱蒸景風盪色地之張也秋風蕩生涼氣

地者政之本

管子云地者政之本也是知地可以正政

肅然地之閉也補

丘陵墳衍愬謂之地

聖證論云普天之下華岳列居

也地不平均和調則政不可正也

原隰阪險愬而曰地

蔡邕月令章句云丘陵原隰阪險愬

而曰崑崙山為地軸

河海括地象云崑崙之山橫為地軸

洞庭穴為地脈

山海經云洞庭穴在長沙巴陵今吳縣南太

地脈地有八柱

河圖云天有九部八紀地有九州
八柱天地精通神明列序也補

地有九域

張衡靈憲云元氣剖

判清濁異位地定于內而體于陰地
有九域聖人始紀綱而經緯之補

地有六體

干寶晉記云裴

秀制地圖有六體一曰分率二曰準望三
曰道里四曰高下五曰方斜六曰迂直

地無兩形

將子

萬機論云夫土地者百姓之所蹈也殊
無兩形之政矣而談者強謂之異體也

立地之道曰柔

與剛

易註曰剛柔者言其形也

地道不作是以常靜

申子云地道不作是以常靜帝

是以正方舉事為
之乃有恒常之靜

鎮之以五嶽積之

以丘陵

播之以

四瀆流之以百川

並物理論見上

立地制形

春秋明命歷序云神農始立地制形

既度

在地成形

易註云形謂山川之屬

形有高下氣有剛柔

炎

氣鬱蒸地之張也

秋氣蕩生地之閉也

並物理論見上

交易

變化含吐應節

春秋元命苞曰地者易也言養物懷仁交易變化含吐應節故其立字土力于

一者為地補

周伏迴轉萬物以生

物理論見上

定寧無不載 廣

厚無不容

丈子云地承天故定寧地定寧萬物形地廣厚萬物聚定寧無不載廣厚無不容地勢深

厚水泉入聚地道方廣故能久長補

雲雨於是乎出 霜雪於是乎降

物理

論見上

蓋藏之主

樂聲儀云下元者地氣也為萬物始生育長養蓋藏之主

萬物所陳

說文見上

成萬物

洪範五行傳云地者成萬物也

載萬物

釋名云地底也其體底下載萬物也

生萬物

物理論見上

含萬物

禦冠子云大小相含無窮極也含萬物者亦如含天地也含萬

物也故不窮含

莫厚於地

張衡靈憲云地深一億萬六千二百五十里故至厚莫如

地厚德載物

易云地勢坤君子以厚德載物

地厚三萬里

王嬰古今通論地有

十二分

春秋內事云地有十二分王侯之所居也

西北高東南下

東西長

南北短

並物理論見上

東西為緯南北為經

家語子夏曰商聞山書云地東西為

緯南北為經山為積德川為積刑高者為生下者為死丘陵為壯川谷為牝補

千乘之國百里

之地

鹽鐵論云古者制地足以養民民足以乘其上

九

地

太玄經云凡九地一為沙泥二為澤池三為沚崖四為下田五為中田六為上田七為下山八為中山九

為上

五地

周禮大司徒辨五地之物一曰山林二曰川澤三曰丘陵四曰墳衍五曰原隰

地財

不憂人貧

慎子曰地有財不憂人之貧地雖不憂人貧伐木刈草必取已富焉則地無事也

山

陵非地不制

春秋說題辭云地之為言婉也承天行其義山陵之大非地不制含功以牧生也

墨翟以地為仁

墨子云禽子問天與地孰仁墨子云翟以地為仁民衣食焉死焉冢焉地終

不責德焉故以地為仁補

文王畫地為境

鹽鐵論云文王宣德而懷四夷普天下畫地為境人

莫犯地得一以寧

老子云天得一以清地得一以寧

夢地身自安

夢書云地

為陰者下冥人之夢見地者身安寧

鑿山鑽石則地痛

劉向別錄云鑿山鑽石則見地痛

蚤虱衆多則地癢

又云人民衆蚤虱多則地癢

地平如案

諸葛亮云

地無

私載

禮記云地無私載謹案地道普載故無私矣

碁局

晉天文志天圓如倚蓋地方如碁局天周

于外地如卵

方輿

淮南子云圓天為蓋方地為輿言為蓋則無不覆為輿則無不載也續補

七表

河圖云天有五行地有五岳天有七星地有七表續補

十形

物理論云夫土地皆有形名而

人莫察焉有龜龍體有鱗鳳貌有弓弩勢有斗升象有張舒形有塞閑容有隱真之安有累卵之危有高腴之利有堵塙之害此十形者氣

八澤八紘

淮南子云九州之外乃有八殞

亦曰八澤方千里自東北方曰大澤曰元通東方曰大渚曰少海東南方曰具區曰厄澤南方曰大夢曰浩澤西南方曰渚賓曰丹澤西方曰九臯曰泉澤西北方曰大夏曰海澤北方曰大冥曰寒澤八殞之外有八紘東北之紘曰和丘曰荒土東方之紘曰棘林曰桑野東南之紘曰大窮曰衆女南方之紘曰都廣曰反戸西南方之紘曰焦僥曰炎土西方之紘曰金丘曰沃野西北之紘曰一目曰少所北方之紘曰積水曰委羽八紘之外

有八極東北方曰方土之山曰蒼門東方曰東極之山
曰開明門東南方曰波母之山曰陽門南方曰南極之
山曰暑門西南方曰編駒之山曰白門西方曰西極之
山曰闔闔之門西北方曰不周之山曰幽都門北方曰
北極之山曰寒門又晉地理志云八極之廣東西南北
相去各二億三萬餘里有地至天半八極之數續補
四極四荒爾雅云東至泰遠西至邠國南至濮鉞北至
祝栗謂之四極孤竹北戶西王母曰下謂之
四荒又山海經云禹使大章步自東極至于西極二億
三萬三千五百里七十五步使豎亥步自北極至于南
極亦然
續補

丘二

高土曰丘

周禮註

小陵曰丘

廣雅

一成為敦丘

爾雅云丘一成為敦丘註

云成猶重也周禮云為壇三成

再成為陶丘

爾雅註曰今濟陰定

陶城中如藥者藥丘

爾雅註云形似車藥也或云藥者謂稻田塍埒補案地理志云泰

山有藥丘春秋莊十五年公敗宋師于藥丘是因丘以為名乎附

陳有宛丘

爾雅註云今在陳郡

陳晉有潛丘

爾雅註云今在太原晉陽縣

神民之丘

山海經云有鹽長之國有人焉

鳥首名曰鳥氏有九丘以水絡之名曰陶唐之丘有叔得之丘孟盈之丘昆吾之丘黑白之丘赤望之丘參衛之丘武夫之丘崑崙之丘

山海經云崑崙之丘是實惟帝之下都案註云天帝都邑之

在下者也補

陶唐之丘

山海經見上

五陵丘

陳留風俗傳云雍江縣有五陵之邱九

子丘

陳留記云縣西有九子丘

隱盆之丘

莊子云遊於玄水之上登隱盆之丘逍遙無為

邈

迤沙丘

爾雅註云旁行連延

圓丘

外國圖云圓丘之上有不死樹食之乃壽有赤泉飲之不老

宛丘

詩云子之湯兮宛丘之上兮

尼丘

史記云叔梁紇禱于尼丘而生孔子孔子生而首上圩頂

故因名曰

平丘

山海經云平丘在三桑東

虵丘

外國圖云虵丘衆虵居其上

瑕丘

禮記云公叔文子升于瑕丘蘧伯玉從

高丘

春秋元命苞云堯為

天子季秋下旬夢白帝遺馬啄子其母始升

營丘

禮記云太

高丘觀白帝上有雲虎之狀感而生臯陶

丹丘

阮籍詩云日夕宿明光註

云明光

青丘

外國圖云青丘之民食穀衣野絲

梧丘

戰國策童謠曰大冠如箕長劍拄頤

攻狄不下

蔡丘

左傳云僖九年夏會于蔡丘尋盟且脩好禮也補案孔疏云蔡丘杜曰齊地

臨淄縣西有地名葵丘傳稱齊侯不務德而勤遠畧西為此會則此地遠處齊西不得近在臨淄故釋例以為宋地陳留外黃縣東有葵丘或曰河東汾陰縣為葵丘非也附蛇丘衆蛇居之外國圖見上

蕭丘羣犬居之

外國圖云蕭丘多風無人民羣犬居之案一云蕭丘有涼綖補

神丘

火穴光照千里

外國圖云神丘有火穴其光照千里

高丘雲氣感生臯陶

春秋元命

苞見上

陵三

大阜曰陵

爾雅

深谷為陵

詩註大阜曰陵

南陵息慎

爾雅云東陵南陵息慎

西陵成夷中陵朱膝北陵西隄鴈門是也補案疏云此五方之陵名也其義及所在未詳註云鴈門是也者

此指解北陵也即
鴈門山是也附

西陵威夷

見上

堯生於丹陵

帝王世紀云慶都河

渚有赤龍感而孕懷
堯十四月生于丹陵

堯山有平陵

始興記云堯山下有平陵上有堯故亭

德至山陵

考經援神契云德至山陵則景雲出

穀有二陵

左傳云蹇叔送其子曰穀有二

陵其南陵夏后皋陶之墓其北陵文王之所避風雨也

崗四

山脊曰崗

爾雅

崗者亢也

釋名云崗亢也在上言也

玉女崗

安城記云萍鄉西津

里有五山里名玉女崗

金牛崗

武昌記云鳳闕南十里有金牛崗古老相傳云有金牛出此崗崗今

半崩坑深數丈牛踐崗邊遺跡尚存補

靈壽崗

衡山記衡山有靈壽崗上多芝草靈壽木

芙蓉

崗

始興記云郡西南有芙蓉崗高若玉山鄰枕郊郭可四十里

班竹崗

江陵記云州城五十里有

楚平王冢

黃龍崗

相書曰黃龍崗利宮商

青龍崗

南康記云陳蕃墓有青龍崗土

班竹崗

人傳云昔見一物龍形而通身純青數出此崗頂因以為名

白鹿崗

始興記云含淮縣白鹿城南有

白鹿崗晉咸和中縣令張鮐有德惠白鹿羣遊崗上因以為名

曾青崗

衡山記云衡山有曾青崗出曾

青可以合仙藥

雲丹崗

高海記云魯城縣有雲丹崗日色出照之見曜

芝草崗

衡山記見上

龍崗

廬山記云廬山有龍崗

鳳崗

荊州記云潯陽縣東南有鳳崗四十里古者相傳云昔鳳產乳

其鷺崗

豫章記云洪井西有鷺崗舊說洪崖先生乘鷺所憩處

高崗

毛詩云陟彼高崗我馬玄

黃沈崗

闕墓書云經言葬遇沈崗遠至二十年皆絕世無後葬遇浮崗隨世沈浮著土必安終無災厄

葬遇飛崗奕世富
貴亦出神仙補
浮崗見長崗京口記云有龍目湖秦始皇東遊觀地勢云此

有天子氣使諸徒三十人鑿此三湖見長崗因名丹徒

峴五

青沙峴

從征記云青沙峴一名小峴

白石峴

京口記云去城九里有白石峴

銅冶峴

齊地記云萊蕪谷有

銅冶峴古鑄銅處

石鼓峴

武昌記云城東南有金牛崗西有石鼓峴上有三石

鼓鼓鳴驚驚峴

齊道記云黃丘北

翻車峴

江乘地記云城東四十五

天必雨里竹里山王途所經甚

鬼頭峴

續述征記云鬼頭峴雖無峭嶮然連林脩坂數

十里

堆六

漢武堆

梁州記云南鄭城沂漢上五十里水邊有漢武堆漢武嘗遊此以為釣臺後人觀其崇基謂之

漢武堆

爾雅郭璞註云江東呼堆為墩晉書云劉曜追石虎至高堆又潘岳西征賦云憑高望之

陽堆長安圖云高望堆

沙堆

阮脩惠雨賦云景元二年余耕陽武之地在乎沙堆

在延望朔南八里補

汴之

五鳳堆

述異記云常陽縣南有龍川鳳引漢武帝時八龍五鳳常遊于此亦呼為五鳳堆續

補

振履堆

安定圖經云振履堆者故老云夸父逐日振履于此故名之續補

阜七

大阜曰陵

韓壽云積土高大曰阜大阜曰陵

無石曰阜

博雅云山無石曰阜細土也

土山曰阜

地圖云土山曰阜阜高厚也

芒坂曰阜

風俗通曰阜者茂也言平地隆踊不

屬于山陵也

琨瑤之阜

吳都賦云其琛賂則琨瑤之阜銅錯之垠火齊之寶駭難之珍補

培

樓小阜

沙州記云塞北有數山皆培樓小阜

岷阜

華陽國志云玄道縣有岷阜江水所出之處

曲阜

左傳云魯公伯禽宅曲阜之地今曲阜在魯城內中委曲長七八里

厲阜

齊地記云高家縣城

西北十五里有厲阜鄭康成所筮處

大阜

詩云升彼大阜從其羣醜

隴八

天水大坂

說文云隴天水大坂也

隴名三斷

廣志云流沙在玉門關外東西數百里有

三斷名

北人升隴

三秦記曰北人升隴歌曰隴頭流水其聲嗚咽遙望秦川肝腸斷絕

清

晨登隴

張華詩云清晨登隴首坎壈行山難

阪九

隆者阪也

博雅

坡者曰阪

爾雅註云阪地不平也

陂陁長阪

司馬相

世賦云登陂陁之長阪兮坐八會宮之嵯峨補

逶迤長阪

述征記云黃卷阪者傍絕澗以昇潼關長

阪十餘里九阪皆逶迤長阪補

阪有長松

穆天子傳曰天子南還升于長松之阪註曰阪有長松

阪若黃馬

潘尼惡道賦

馬搏頰阪

華陽國志云楚道有牛叩頭阪馬搏頰阪其險如此

牛叩頭阪

見上

羊腸阪

新序云趙簡子上羊腸之阪羣臣皆推車宗會獨當戰行歌簡子云

人臣而侮其主其罪若何宗會云其罪死君亦聞人君而侮其臣乎則智者不為謀辨者不為鬪則其國危乎

簡子云善以宗
會為上客補
羊羹阪潘尼惡賦
黃卷阪述征記見上
赤土阪

漢書云西域有赤土之阪上
即令人身熱無色頭痛嘔吐
玉輪阪益州記云汶江水源出玉輪阪

婦阪列女後傳云呂榮者吳都許升之妻也升為賊所害榮貞烈有守黃巾賊陳寶欲穢之榮執節不聽

實遂殺之是夕疾風暴雨雷電晦冥寶恐懼叩頭非之而去廩府君聞榮高行出錢助縣為塚因名曰義婦阪

九折阪漢書云王陽為益州刺史至邛犍九折阪數曰本先人遺體奈何數乘此險後以病去及王尊

為刺史至其阪問吏曰此非王陽所畏道耶尊叱其馭曰駟之王陽為孝子王尊為忠臣補益州記云邛犍有

九折阪王陽案轡
王尊駟馬之處附
三道登穆天子傳云天子南還升于三道之陞
冥軫阪

漢書云河南大
陽縣有冥軫阪
當陽阪蜀志云先生至當陽長阪為曹公所追
平阪東方朔別

傳云孝武皇帝時上幸甘泉至平阪上馳道長阪漢書

間有赤虫朔曰情氣所生此必秦之置獄處長阪云河

東有蒲阪縣註曰秦始皇東黃阪西征記云黃阪去終

巡見有長阪故以長阪名黃阪南六十里少華山西

補脩阪續述征記王陽案轡王遵駟馬並益州九曲

水經註云洛水東逕九曲其八特地里志云函谷東阪

地十里有九阪之曲續補八特謂之八特阪續補

赤須班彪北征賦云登赤須之長阪入義渠之舊城註

云赤須阪在北地郡水經註云赤須水出須谷西

南流註羅水阪以白馬舊唐書云垂拱中詔有司白馬

水得名也續補白馬阪營大像康費鉅萬蘇珣以妨

農上疏切諫則天納焉續補

培塿十

培塿小山

說文

培塿阜類

風俗通云培塿者即阜之類也今齊魯之間田中少高者名為

之培塿

培塿無松栢

左傳

培塿生松栢

墨子

坑十一

種瓜坑谷

古今奇字云秦時今人種瓜坑谷內溫處

立祠坑際

南康記云南康上隴左一

坑有石人出水內名曰魁星甚有靈應百姓立祠于坑際

白起坑趙卒

史記曰秦將白起坑趙降

卒四十萬人

項羽坑秦軍

漢書項羽坑秦軍二十餘萬

公房祠北有坑

梁州

記云有仙人唐公房祠有碑一所北有大坑碑文云是其田宅公房舉宅登仙故以為坑也旁有穴道至洞庭

瞿坑

晉中興書云泰元末有瞿坑先生不知名姓居宣城又有瞿坑因以名焉桓溫往視之見生無被坐

石室神無忤色溫
命伏滔銘讚之

窟十二

居營窟

禮記云古者未有宮室冬則營窟夏則橧巢

在壑谷

左傳曰鄭伯有嗜酒為窟室而

夜飲酒擊鍾焉朝至未已朝者曰

彭祖窟

列仙傳云滌陽有彭祖仙

公焉在其人曰吾公在壑谷補

輒得唐術窟

秦州記云河崖旁有二窟一曰唐術窟深四十餘丈中有三佛寺流泉浴池而

作佛像其西二里則曰時亮窟廣二丈深三十丈亦有泉水藏古書五卷補註云唐術時亮皆古之孝行士也

附公和土窟

王隱晉書云魏末有孫登字公和無家屬時人于汲縣北山窟內得之夏則編草為

裳冬則以髮自覆為人無言好讀易鼓瑟

意期土窟

神仙傳云李意期蜀人于成都作一土窟居之

冬夏單衣髮長剪去之皆使長
五寸或二百日三百日不出窟
董卓窟室
典畧曰董卓雖愛呂布恐

終被其害乃養死士于窟室時卓詣宮賀布先置死
士以邀之卓墮車顧布所在布下馬曰有詔遂殺之
孔

章劍窟

豫章記云豐城縣有雷孔
章掘神劍窟方廣七八丈
馮煖三窟
戰國策馮煖謂孟嘗

君曰狡兔有三窟僅得免其死耳今有一窟未得高枕
而卧也請為君復鑿二窟孟嘗君予車五十乘金五百

斤西遊于梁說梁王遣使者黃金十斤車百乘往聘孟
嘗君齊王聞之君臣恐懼遣太傅齋黃金千斤文車二

駟服劍一封書一迎孟嘗君反國馮煖誠孟嘗君曰願
請先王之祭器立宗廟于薛廟成還報孟嘗君曰三窟

已就君姑高枕為樂矣孟嘗君為相數
十年無纖介之禍者馮煖之計也補
落星窟時見電

光
南康記云野浮水去郡五里有落
星窟深不測底時見電光出其上
蛟龍窟時有霧氣

南康記云湘源下流百里有峽兩岸皆高山

豹窟

博物志云

峽岸下數十里有蛟龍窟時時有霧氣起

豹死

兔窟

潘尼惡道賦

谷十三

補續

注谿曰谷

爾雅云水注谿曰谷注谷曰溝

注谷曰溝

見上

有空大谷

詩云大風

有隧有空大谷無底之谷

列子云渤海之東有大壑焉實維無底之谷

飲水延壽

抱朴

子云南陽鄆縣有甘谷水左右生甘菊花墮其中飲此水者無不延壽

吹律生溫

劉向別錄云燕

有谷地美而寒不生五穀鄆行乃吹律而溫氣至堪植黍今人謂之黍谷

石崇金谷

晉書云石崇有

別館在河陽之金谷子真鄭谷

韻府鄭子真耕于谷曰鄭谷

洞十四

續補

玄中

茅君內傳云大天之內有玄中之洞三十六所其八海之中崑崙蓬萊方丈瀛洲滄波白山八傳之

神山山皆有洞宮不在三十六天之洞數也羅鄧山之洞周一萬五千里名曰北帝死生之天皆死神所治五帝之宮考謫之府也鬼神所治又有二十八山洞天之陰宮或地宮所在者不能一一記其洞山之名其餘有六洞天句曲山洞宮之中本有神仙人郭四朝者治其宮亦司三宮領羅鄧師晨候四朝燕人也兄弟四人得道四朝是諸葛郡邑志云縣中郡南石崖屹立傍有石長兄也諸葛洞數丈相傳諸葛亮征九溪蠻嘗過此留宿洞中設一床懸栗一握以秣清涼郡邑志云鉅野馬後遂化為石床石栗至今猶存洞山清涼深十餘丈內鑿石作四小閣閣外一堂陸高三尺堂外兩門門外兩大閣石道長三十丈濶十有六

尺世傳秦始
皇避暑宮也
含輝
劉禹錫集云薛景晦為道州刺史得

其地曰
玉泉
白集云荊州玉泉寺近青溪諸山山洞往

千歲之後體如白雪
蓋飲乳水而長生也
金沙
楊妃外傳云驪山
寶仙
元宗

云天寶九載十月庚申幸華清宮太白
山人王元翼言玄元皇帝降于寶仙洞
大隱
唐書云韋

將罷歸署其
猗玗
唐書云元結作白釋曰天下兵
居曰大隱洞
興逃亂入猗玗洞稱猗玗子
白鹿

郡邑志云貞元中洛陽人李渤與兄涉同隱居讀書于
廬山五老峰下洞中養白鹿自娛後因以名洞寶歷中

渤為江州刺史即洞
創臺榭引流植花焉

北堂書鈔卷一百五十七